



傷寒準繩卷之二

金壇 王肯堂宇泰輯

太陽病

發熱

惡寒

惡風

頭痛

身重

身體痛

黃經曰太陽之為病頭項強痛而惡風寒不傳經者固有之然而傳者多矣如經言傷寒一日太陽受之脈若靜者為不傳頗欲吐及煩燥脈數急者為傳也又曰傷寒二三日陽明少陽證不見者為不傳也太陽經治法有汗吐下溫和解調併刺俱有之蓋太陽所感非一傳變多端故也雖發汗解肌一法證有輕重脈有浮沉用藥必宜隨脈證用之庶造仲景之深意如發熱惡寒脈浮緊麻黃湯自汗惡風脈浮緩桂枝湯此脈證相應之

定法也。又如項背強几几反汗出惡風，桂枝加葛根，脈微而惡寒，桂枝麻黃各半湯。發熱惡寒熱多寒少，脈微弱者，桂枝二越婢一湯。脈浮緊自汗出，小便數，心煩微惡寒，腳攣急，桂枝加附子湯。又如汗後復宜汗者，發汗遂漏不止，惡風小便難，四肢微急，難以屈伸，桂枝加附子湯。服桂枝大汗出，脈洪大者，與桂枝如前法。若如瘧狀，日再發，宜桂枝二麻黃一湯。仲景汗劑二十七湯所治五十九證，大宜精別如何而用青龍湯，如何而用五苓散，如何而用茯苓甘草湯之類，蓋病有輕重，治有急緩，故也。清碧杜先生曰：傷寒陽熱之證，傳經之邪，變態不一，辨之不精，則汗吐下三法之治，一差死生反掌矣。非比陰寒之邪，中在一經，不復傳變，易於治也。不過隨寒邪輕重用溫藥治之，一定之

法耳今之庸工好用熱劑而不知涼藥之妙且難也

汗

桂枝湯

桂枝加葛根湯

桂枝加厚朴杏子湯

桂枝加附子湯

桂枝去芍藥湯

桂枝去芍藥加附子湯

桂枝麻黃各半湯

桂枝二越婢一湯

桂枝二麻黃一湯

桂枝去桂加茯苓白朮湯

葛根湯

葛根加半夏湯

葛根黃連黃芩湯

麻黃湯

大青龍湯

小青龍湯

桂枝加芍藥人參新加湯

麻黃杏仁甘草石膏湯

五苓散

桂枝去芍藥加蜀漆龍骨牡蠣救逆湯

桂枝加桂湯

桂枝甘草龍骨牡蠣湯

桂枝附子湯

茯苓甘草湯

文蛤散

去桂加白朮湯

甘草附子湯

吐

梔子豉湯

梔子甘草豉湯

梔子生薑豉湯

梔子厚朴湯

梔子乾薑湯

瓜蒂散

下

調胃承氣湯

大柴胡湯

承氣湯

柴胡加芒硝湯

桃仁承氣湯

抵當丸

大陷胸湯

抵當湯

大陷胸丸

白散

十棗湯

大黃黃連瀉心湯

附子瀉心湯

溫

甘草乾薑湯

芍藥甘草湯

四逆湯

乾薑附子湯

茯苓桂枝甘草大棗湯

厚朴生薑甘草半夏人參湯

茯苓桂枝白木甘草湯

芍藥甘草附子湯

茯苓四逆湯

桂枝甘草湯

真武湯

小建中湯

炙甘草湯

和解

小柴胡湯

柴胡加龍骨牡蠣湯

小陷胸湯

柴胡桂枝乾薑湯

半夏瀉心湯

生薑瀉心湯

甘草瀉心湯

柴胡桂枝湯

桂枝人參湯

白虎湯

白虎加人參湯

黃芩湯

黃芩加半夏生薑湯

調

赤石脂禹餘糧湯

旋復代赭石湯

黃連湯

刺

縱橫刺期門

服桂枝刺風池風府

太少併病刺期門

熱入血室刺期門

太少併病刺大根肺俞

太陽之為病脉浮頭項強痛而惡寒

成經曰尺寸俱浮者太陽受病太陽主表為諸陽主

氣脉浮頭項強痛而惡寒者太陽表病也。但有一毫頭痛即為在表

太陽病發熱汗出惡風

脉緩者名為中風

太陽病上條所揭云云者是也後皆倣此。成風陽也寒陰也風則傷高發熱汗出惡風

脈緩

何汗為

風宜

桂枝湯

者衛中風也榮病則發熱無汗不惡風而惡寒衛病則發熱汗出不惡寒而惡風以衛為陽衛外者也病則不能衛固其外而皮腠疎故汗出而惡風也傷寒脈緊傷風脈緩者寒性勁急而風性解緩故也 太陽病頭痛發熱汗

出惡風者桂枝湯主之 太陽病發熱汗出者此為榮弱衛強

故使汗出欲救邪風者宜桂枝湯 成太陽中風風併於衛則衛實而榮虛者陰也衛者陽

也發熱汗出陰弱陽強也內經曰陰虛者陽必湊之故少氣時熱而汗出與桂枝湯解散風邪調和榮衛 太陽中

風陽浮而陰弱陽浮者熱自發陰弱者汗自出嗇嗇惡寒淅淅

惡風翕翕發熱鼻鳴乾嘔者桂枝湯主之 成陽以候衛陰以候榮陽脈浮者衛中風

也陰脈弱者榮氣弱也風并於衛則衛實而榮虛故發熱汗自出也經曰太陽病發熱汗出者此為榮弱衛強者是也嗇嗇者

不足也惡寒之貌也淅淅者洒淅也惡風之貌也衛虛則惡風榮虛則惡寒榮弱衛強惡寒復惡風者以自汗出則皮膚緩腠

理疎是亦惡風也翕翕者熛熛然而熱也若合羽所覆言熱在表也鼻鳴乾嘔者風擁而氣逆也與桂枝湯和榮衛而散風邪

也 病人藏無他病時發熱自汗出而不愈者此衛氣不和也

先其時發汗則愈宜桂枝湯主之時發熱自汗出謂有時而發熱自汗出有時而止惟其時
作時止故病留連而不愈也當其發熱自汗之時不可與藥當
先其時作候其時止而後與之故曰先其時也素問曰當其盛
而必毀因其衰也事必大昌其是之謂歟

桂枝湯方

桂枝參兩 去皮

芍藥參兩

甘草貳兩

生薑參兩 切

大棗拾貳枚 擘

右五味㕮咀以水柒升微火煮取參升去滓適寒溫服一升服
已須臾歠熱稀粥一升餘以助藥力溫覆令一時許徧身發
微似有汗者益佳不可令如水流漓病必不除若一服汗出病
差停後服不必盡劑若不汗更服依前法又不汗後服小促其
間半日許令三服盡若病重者一日一夜服周時觀之服一劑

盡病證猶在者更作服若汗不出乃服至二三劑禁生冷粘濁

肉麵五辛酒酪臭惡等物

小促宋板作少從容

〔成〕經云桂枝本爲解肌若脈浮緊發熱汗不出者不可與之常須識此勿令誤也蓋桂枝湯本專主太陽中風必也皮膚疎腠又自汗風邪干於衛氣者乃可投之也仲景以解肌爲輕以發汗爲重故發汗吐下後身疼不休者津液內耗也雖有表邪而止可解肌故須桂枝湯少和之也桂味辛熱用之爲君桂猶圭也宣導諸藥爲之先聘是謂辛甘發散爲陽之意蓋發散風邪必以辛爲主內經所謂風淫所勝平以辛佐以苦以甘緩之以酸收之是以芍藥爲臣而甘草爲佐也內經曰風淫於內以甘緩之以辛散之生薑味辛溫大棗味甘

傷寒論卷二
溫是用以爲使而此又不特專於發散以脾主爲胃行其津液薑棗之用專行脾之津液而和榮衛者也麻黃湯不用薑棗者謂專於發汗不待行化而津液得通矣

〔龐〕凡桂枝湯病證者常自汗出小便不數手足溫和或手足指稍露之則微冷覆之則溫渾身熱微煩而又憎寒始可行之若病者無汗小便數或手足逆身冷不惡寒反惡熱或飲酒後慎不可行桂枝湯也脈緊必無汗設有汗不可誤作桂枝證

〔許〕有人病發熱惡寒自汗脈微弱而浮三服湯而愈此方在仲景一百十三方內獨冠其首今人全不用何也仲景云太陽中風陽浮而陰弱陽浮者云云至翕翕發熱宜桂枝湯此

脉與證仲景說得甚明後人看不透所以不敢用也 假令寸口脉微名曰陽不足陰氣上入陽中則灑淅惡寒也尺脉弱名曰陽不足陽氣下陷入陰中則發汗也此謂元氣受病而然也又曰陽微則惡寒陰微則發熱醫既汗之使陽氣微又大下之令陰氣弱此謂醫所使也大抵陰不足陽往從之故內陷而發熱陽不足陰往乘之故陰上入陽中則惡寒舉此二端明白易曉何憚而不用桂枝湯哉

垣)仲景治表虛製此湯桂枝味辛熱發散助陽體輕本乎天者親上故桂枝爲君芍藥甘草佐之如陽脉濇陰脉弦法當腹中急痛乃製小建中湯以芍藥爲君桂枝甘草佐之一則治其表虛一則治其裏虛故各有主用也後學當觸類而長

脈浮緊
無汗為
傷寒宜
麻黃湯

之 以桂枝易肉桂治寒腹痛神品藥也如夏中熱腹疼少

加黃芩去桂痛立止桂於春夏二時為禁藥

陶桂枝麻黃湯為當時傷寒設與過時之溫暑者何預焉若

以此二湯通治春溫夏暍之病則誤之甚矣

太陽病或已發熱或未發熱必惡寒體痛嘔逆脈陰陽俱緊者

名曰傷寒或曰凡傷於寒則為病熱為寒氣客於經中陽經

或已發熱或未發熱以寒為陰邪不能即熱鬱而方變熱也風

則傷衛寒則傷榮衛虛者惡風榮虛者惡寒榮傷寒者必惡寒

也氣病者則麻血病者則痛風令氣緩寒令氣逆體痛嘔逆者

為也。但見惡寒即太陽病頭痛發熱身疼腰痛骨節疼痛惡

風無汗而喘者麻黃湯主之或曰寒則傷榮頭痛身疼腰痛以至

利也內經曰風寒客於人使人毫毛畢直皮膚閉而為熱者寒

在表也風并於衛衛實而榮虛者自汗出而惡風寒也寒并於

榮榮實而衛虛者無汗而惡風也以榮強衛弱故氣逆而喘與麻黃湯以發其汗

麻黃湯方

麻黃 叁兩去節

桂枝 貳兩去皮

甘草 壹兩炙

杏仁 柒拾個泡去皮尖

右四味以水九升先煮麻黃減二升去上沫內諸藥煮取貳升

半去滓溫服捌合覆取微似汗不須啜粥餘如桂枝法麻黃去

節先滾醋湯畧浸片時撈起以備後用庶免太發如冬月嚴寒腠理緻密當生用

一用麻黃後汗出不止者將病人髮披水盆中足露出外用

炒糯米一升龍骨牡蠣藁本防風各壹兩研為細末周身撲

之隨後祕方用藥免至亡陽而死此良法也

異或云發汗必用麻黃亦有禁用者何也凡傷寒發於天令

寒冷之時且其寒邪在表閉其腠理身疼拘急惡寒而無汗者須用麻黃辛苦之藥爲能開發腠理逐寒邪汗出而解也惟夏月炎暑之時爲禁用之藥故宜辛涼之劑以發之乃葛根葱白豆豉之類是也若麻黃加涼劑在內亦可用如通解散是也

成本草言輕可去實卽麻黃葛根之屬實謂寒邪在表汗不出而腠密邪氣勝而表實輕劑所以揚之麻黃味甘苦用以爲君者以麻黃爲輕劑而專主發散也風邪在表而膚理疎者必以桂枝解其肌今寒邪在經表實而腠密非桂枝所能獨散必專麻黃以發汗而桂枝所以爲臣也內經曰寒淫於內治以甘熱佐以辛苦者茲是類歟內經曰肝苦急急食甘

以緩之肝者榮之主也傷寒榮勝衛固血脈不流必用味甘之物以緩之故以甘草味甘平杏仁味苦溫爲之佐使且桂枝湯主中風風則傷衛風邪併於衛則衛實而榮虛仲景所謂汗出惡風者此爲榮弱衛強故桂枝湯佐以芍藥用和榮也麻黃湯主傷寒寒則傷榮邪併於榮則榮實而衛虛內經所謂氣之所併爲血虛血之所併爲氣虛者是矣故麻黃湯佐以杏仁用利氣也

太陽中風脈浮緊發熱惡寒身疼痛不汗出而煩躁者大青龍湯主之若脈微弱汗出惡風者不可服服之則厥逆筋惕肉瞤此爲逆也成此中風見寒脈也浮則爲風風則傷衛緊則爲寒寒則傷榮榮衛俱病故發熱惡寒身疼痛也風併於衛者爲榮弱衛強寒併於榮者爲榮強衛弱今風寒兩傷則榮衛俱實故不汗出而煩躁也與大青龍湯發汗以除榮衛風寒

若脉微弱汗出惡風者為榮衛俱虛反服青龍湯助必亡陽故生厥逆筋惕肉瞤此治之逆也 傷寒脉浮緩

身不疼但重乍有輕時無少陰證者大青龍湯發之成此傷寒

傷寒者身疼此以風勝故身不疼中風者身重此以兼風故乍

有輕時不發厥吐利無少陰裏證者為風寒外甚也與大青龍湯以發散

表中風寒 大青龍湯方 麻黃 陸兩 桂枝 貳兩 甘草 貳兩 杏仁 肆拾枚

麻黃 陸兩 桂枝 貳兩 甘草 貳兩 杏仁 肆拾枚

生薑 參兩 大棗 拾貳枚 石膏 鷄子大碎

右七味以水九升先煮麻黃減二升去上沫內諸藥煮取三升

去滓温服一升取微似汗汗出多者温粉粉之一服汗者停後

服若復服汗多亡陽遂逆一作虛惡風煩躁不得眠也

成青龍東方甲乙木神也應春而主肝專發生之理為敷榮

之主萬物出甲開則有兩歧肝有兩葉以應之謂之青龍者以發散榮衛兩傷之邪是應肝木之體耳桂枝湯主中風麻黃湯主傷寒中風脈浮緊爲中風見寒脈傷寒脈浮緩爲傷寒見風脈是風寒兩傷也風兼寒寒兼風雖欲與桂枝湯解肌以祛風而不能已其寒或欲以麻黃湯發汗以散寒而不能去其風茲仲景所以特處青龍湯而兩解也麻黃味甘溫桂枝味辛熱寒則傷榮必以甘緩之風則傷衛必以辛散之此風寒兩傷榮衛俱病故以甘辛相合而爲發散之劑表虛膚腠疎則以桂枝爲主此爲表實腠理密者則以麻黃爲主是先麻黃爲君後桂枝爲臣也甘草味甘平杏仁味甘苦苦甘爲助佐麻黃以發表大棗甘溫生薑味辛溫辛甘相合佐

桂枝以解肌風陽邪寒陰邪風則傷陽寒則傷陰榮衛陰陽
爲風寒兩傷則非輕劑可獨除散也必須輕重之劑以同散
之乃得陰陽之邪俱已榮衛之氣俱和是以石膏味苦辛微
寒質重而又專達肌表爲使也大青龍發汗之重劑用之稍
過則有亡陽之失經曰若脉微弱汗出惡風者不可服服之
則厥逆筋惕肉瞤此爲逆也又曰一服汗者停後服若再服
汗多亡陽遂致惡風煩躁不得眠也用者宜詳審之

吳大青龍湯仲景治傷寒發熱惡寒煩躁者則用之夫傷寒

邪氣在表不得汗出其人煩躁不安身心無如之奈何如脉

浮緊或浮數者急用此湯發汗則愈乃仲景之妙法也譬若

亢熱已極一雨而涼其理可見也若不辨此理見其躁熱投

以寒涼之藥其害豈勝言哉若脉不浮緊而數無惡風惡寒身疼者亦不可用之也如誤用之其害亦不淺也所以脉證不明者多不敢用也

〔許〕仲景治傷寒一則桂枝二則麻黃三則青龍桂枝治中風麻黃治傷寒青龍治中風見寒脉傷寒見風脉三者如鼎立人皆能言之而不曉前人處方用藥之意故醫遂多不用無足怪也且脉緩而浮者中風也故嗇嗇惡風淅淅惡寒翕翕發熱仲景以桂枝對之脉浮緊而濇者傷寒也故頭痛發熱身疼腰痛骨節疼痛惡寒無汗而喘仲景以麻黃對之至於中風脉浮緊傷寒脉浮緩仲景皆以青龍對之何也予嘗深究三旨若證候與脉相對無不應手而愈何以言之風傷衛

衛氣也寒傷榮榮血也榮行脉中衛行脉外風傷衛則風邪
干陽陽氣不固發越而爲汗是以自汗是表虛故仲景用桂
枝以發其邪芍藥以和其血蓋中風則病在脉之外其病稍
輕雖同曰發汗特解肌之藥耳故仲景於桂枝證云令半身
漉漉微似有汗不可如水淋漓病必不除是知中風不可大
發汗汗過則反動榮血邪氣乘虛襲之故病不除也寒傷榮
則寒邪入陰血而榮行脉中者也寒邪居脉中非特榮受病
邪自內作則併與衛氣犯之久則浸淫及骨是以汗不出而
熱齒乾而煩冤仲景以麻黃發其汗又以桂枝甘草助其發
散欲滌除內外之邪榮衛之病耳大抵二藥皆發汗以桂枝
則發其衛之邪麻黃并榮與衛治之亦自有淺深也何以驗

之仲景桂枝第十九證云病當自汗出者此爲榮氣和榮氣
和者外不諧以衛氣不共榮氣諧和故爾以榮行脉中衛行
脉外復發其汗榮衛和則愈宜桂枝湯又四十七證云發熱
汗出此爲榮弱衛強故使汗出者欲救邪風宜桂枝湯是知
中風汗出者榮和而衛不和又第一卷云寸口脉浮而緊浮
則爲風緊則爲寒風則傷衛寒則傷榮榮衛俱病骨節煩疼
當發其汗是知傷寒浮緊者榮衛俱病也麻黃湯中并用桂
枝此仲景之言也至於青龍雖治傷風見寒脉傷寒見風脉
之病然仲景又云汗出惡風者不可服之服之厥逆便有筋
惕肉瞤之證故青龍一證尤難用藥須是形證諦當然後可
行故王寔夫證止用桂枝麻黃各半湯治之蓋慎之也

陶熱盛而煩手足自温脉浮而緊此傷風見寒脉也不煩少

熱四肢微厥脉浮而緩此傷寒見風脉也二者為榮衛俱病

法宜大青龍湯但此湯險峻須風寒俱甚又加煩躁乃可與

之不如桂枝麻黃各半湯為穩尤不若九味羌活湯加石膏

知母枳殼也

温粉方

白朮 川芎 白芷 各等分

右研為細末每末一兩入米粉三兩和勻撲周身止汗若汗

過多恐亡陽遂厥逆惡風煩躁不得眠故宜以此粉止之

太陽病項背強几几反汗出惡風者桂枝加葛根湯主之

按詩

太陽病 項強有 汗者葛

根 跋云赤鳥凡几注云凡几絢貌絢謂拘着鳥屢頭為行戒狀 如刀衣鼻在屢頭言拘者取自拘持使低目不忘顧視按此可

以想見項背拘強之狀若作鳥羽釋則凡當音殊而於拘強之義反不切矣後證葛根湯者乃桂枝湯中加麻黃葛根也其證無汗故以麻黃發之此證有汗故去麻黃而曰桂枝加葛根湯也若有麻黃則亦葛根湯矣成氏不當設疑於注以眩後學故

桂枝葛根湯方

葛根 肆兩

芍藥 貳兩

甘草 貳兩

生薑 參兩

桂枝 貳兩

大棗 拾貳枚

右七味以水一斗煮取三升去滓溫服一升少其人不可

太陽病項背強几几無汗惡風葛根湯主之

葛根湯方

葛根 肆兩

麻黃 參兩

桂 貳兩

芍藥 貳兩

甘草 貳兩

生薑 參兩

大棗 拾貳枚

無汗者
葛根湯

脈微身
瘡者桂
麻名半
湯

右七味咬咀以水一斗先煮麻黃葛根減貳升去沫內諸藥
煮取三升去滓溫服一升覆取微似汗不須啜粥餘如桂枝
法將息及禁忌

本草云輕可去實麻黃葛根之屬是也此
以中風表實故加二物於桂枝湯中也

太陽病得之八九日如瘧狀發熱惡寒熱多寒少其人
不嘔清便欲自可一日二三度發脈微緩者為欲愈也脈微而惡寒者
此陰陽俱虛不可更發汗更下更吐也面色反有熱色者未欲
解也以其不能得小汗出身必痒宜桂枝麻黃各半湯

成傷寒
八九日

則非傳再經又偏三陽欲傳三陰之時也傳經次第則三日傳
遍三陽至四日陽去入陰不入陰者為欲解其傳陰經第六日
傳遍三陰為傳經盡而當解其不解傳為再經者至九日又遍
三陽陽不傳陰則解如瘧發作有時也寒多者為病進熱多者
為病退經日厥少熱多其病為愈寒多熱少陽氣退故為進也
今雖發熱惡寒而熱多寒少為陽氣進而邪氣少也裏不和者

嘔而利今不嘔清便自調者裏和也寒熱間日發者邪氣淺也日一發者邪氣復來本作有常也日再發者邪氣淺也日二三發者邪氣微也內經曰大則邪至小則平言邪甚則脉大邪少則脉微今日數多而脉微緩者是邪氣微緩也故云欲愈脉微而惡寒者表裏俱虛也陽表也陰裏也脉微為裏虛惡寒為表虛以表裏俱虛故不可更發汗更下更吐也陰陽俱虛則面色青白反有熱色者表未解也熱色為赤色也得小汗則和不得汗則邪氣外散皮膚而為痒也與桂枝麻黃各半湯小發其汗以除表邪○首一節至寒少止為自初至今之證下文皆擬病另變之辭當分作三截看至欲愈也是不須治至吐也是宜溫之至未是小汗之麻黃發桂枝正一發一止則汗不得大出矣

桂枝麻黃各半湯方

桂枝

壹兩拾陸銖去皮

芍藥

生薑

切

甘草

炙

麻黃

去節各壹兩

大棗

肆枚

杏仁

貳拾肆枚湯浸去皮尖及雙仁者

右七味以水五升先煮麻黃一二沸去上沫內諸藥煮取一

廉微弱
身不痒
種婢各
年湯

升八合去滓温服六合

太陽病發熱惡寒熱多寒少脉微弱者此無陽也不可發汗宜

桂枝二越婢一湯

前脉微緩面有熱色身痒以桂麻各半小汗之者猶未弱也此微而加弱焉則又虛於前

證矣雖小汗亦不宜故云不可發汗决詞也然病在太陽表證未罷桂枝發散之藥終不可無但不令汗而已

桂枝二越婢一湯方

桂枝 去皮

芍藥

甘草 各柴錢半

生薑 壹兩貳銖切

大棗 肆枚

麻黃 去節柴錢半

石膏 壹兩碎綿裹

右七味咬咀以水五升先煮麻黃一二沸去上沫內諸藥煮

取二升去滓温服一升本方當裁為越婢湯桂枝湯合飲一

升今合為一方桂枝二越婢一

胃為十二經之主脾治水穀為卑藏若婢內經曰脾主為胃

行其津液是湯所以謂之越婢者以發越脾氣通行津液外
臺方一名越脾湯卽此義

凡仲景稱太陽病者皆表證發熱惡寒頭項強痛也若脉浮
大則與證相應宜發汗今見表證而脉反微不與證應故不
可發汗但用一二各半湯等和之可也

若太陽中暍發熱惡寒脉微弱手足逆冷而渴者白虎加人參

湯方論見暑病

太陽蓄
血證

太陽病六七日表證仍在脉微而沉反不結胸其人發狂者以
熱在下焦少腹當鞞滿小便自利者下血乃愈所以然者以太
陽隨經瘀血在裏故也抵當湯主之方論見蓄血
沉結少腹鞞小便不利者爲無血也小便自利其人如狂者血

證諦也亦抵當湯主之詳畜血

凡仲景稱太陽證脉沉者皆謂發熱惡寒頭項強痛而脉反沉也其證兼發狂小腹鞭者為畜血此條抵當湯是也

太陽濕痺兼關節痛小便不利身黃者為濕痺論見

太陽證兼卒口噤反張者為瘧若無汗惡寒名剛瘧宜葛根湯若有汗

不惡寒名柔瘧宜瓜蒌桂枝湯詳雜病瘧門

病發熱頭痛脉反沉若不瘥身體疼痛當救其裏宜四逆湯

少陰病始得之反發熱脉沉者麻黃附子細辛湯主之

趙竊詳太陽病發熱頭痛法當脉浮今反沉少陰脉沉法當

無熱今反熱仲景於此兩證各言反者謂反常也蓋太陽病

脉似少陰少陰脉病似太陽所以皆謂之反而治之當異也

今究其旨均是脉沉發熱以其有頭痛故爲太陽病陽證當
脉浮今反不能浮者以裏虛久寒正氣衰微所致又身體疼
痛故宜救裏使正氣內復逼邪出外而乾薑生附子亦能出
汗而解假使裏不虛寒則脉當見浮而正屬太陽麻黃證也
均是脉沉發熱以其無頭疼故名少陰病陰病當無熱今反
熱則寒邪在表未傳於裏但以皮腠鬱閉爲熱而在裏無熱
故用麻黃細辛以發表間之熱附子以溫少陰之經假使寒
邪入裏則外必無熱當見吐利厥逆等證而正屬少陰四逆
湯也由此觀之表邪浮淺發熱之反猶輕正氣衰微脉沉之
反爲重此四逆湯不爲不重於麻黃附子細辛湯也又可見
熟附配麻黃發中有補生附配乾薑補中有發仲景之旨微

矣

麻黃附子細辛湯方

麻黃

貳兩去節

細辛

貳兩

附子

壹枚炮去皮破掬片

右三味以水一斗先煮麻黃減二升去上沫內藥煮取三升去滓溫服一升日再服

成內經曰寒淫於內治以甘熱佐以苦辛以辛潤之麻黃之甘以解少陰之寒細辛附子之辛以溫少陰之經

趙詳仲景發汗湯劑各分輕重不同如麻黃桂枝湯青龍各半越婢等湯各有差等至於少陰發汗二湯雖同用麻黃附子亦有加減輕重之別故以加細辛為重加甘草為輕辛散甘緩之義也其第一證以少陰本無熱今發熱故云反也蓋

發熱為邪在表為當汗又兼脈沉屬陰而當溫故以附子溫
經麻黃散寒而熱須汗解故加細辛是汗劑之重者第二證
既無裏寒之可溫又無裏熱之可下求其所以用麻黃附子
之義則是脈亦沉方可名曰少陰病身亦發熱方行發汗藥
又得之二三日病尚淺比之前證亦稍輕故不重言脈證而
但曰微發汗所以去細辛加甘草是汗劑之輕者

凡仲景稱太陽病不惡寒者皆謂發熱頭項強痛脈浮而反
不惡寒也其證兼渴者為溫病兼汗出者為柔瘧

方論見溫病柔瘧

傷寒六七日發熱微惡寒支節煩疼微嘔心下支結外證未去
者柴胡加桂枝湯主之

成傷寒六七日邪當傳裏之時也支散也嘔而心下結者裏證也法當攻裏發

熱微惡寒支節煩疼為外證未去不可攻裏與柴胡桂枝湯以和解之。按支字訓散字未瑩支節支結復不同支節猶云枝

節古字通也支結猶云支撐而結當活看不可拘泥文字若訓作散則不能結也南陽云外證未解心下妨悶者非痞也謂之結支

柴胡加桂枝湯方

桂枝去皮

黃芩

人參

各壹兩

甘草

炙壹兩

芍藥

生薑

切各壹兩半

大棗

陸枚

柴胡

肆兩

半夏

貳合半

右九味以水七升煮取三升去滓溫服

凡仲景稱表不解者皆謂太陽病發熱惡寒頭項強痛脈浮也蓋病雖屬太陽表證而有裏證兼之者則不言太陽病但稱表不解也其兼心下支結者此條柴胡桂枝湯是也

兼心下有水氣乾嘔而欬者小青龍也

方論見效

兼脇痛手足濕

而渴者小柴胡也

兼心下痞者先用桂枝解表後以瀉心攻

痞也

方論見痞

兼下利腹滿脹者先以四逆溫裏後以桂枝攻表

也

方論見下利

太陽病欲解時從已至未解

太陽病未解脉陰陽俱停必先

振慄汗出而解但陽脉微者先汗出而解陰脉微者下之而解

若欲下之調胃承氣湯主之

太陽病脉浮緊發熱身無汗自

衄者愈

太陽外證未解不可下之下之為逆欲解外者宜桂枝湯主之

經云本發汗而欲下之為逆也若先發汗治不為逆

海大小調胃三承氣湯必須脉浮頭痛惡風惡寒表證盡罷

而反發熱惡熱譫語不大便方可用之若脉浮緊下之必結

胸若脉浮緩下之必痞氣

許常記一親戚病傷寒身熱頭痛無汗大便不通已四五日予訊問之醫者治大黃朴硝等欲下之予曰子姑少待予爲視之脉浮緩居密室中自稱甚惡風予曰表證如此唯大便不通數日腹且不脹別無所苦何遽便下之大抵仲景法須表證罷方可下不爾則邪乘虛而入不爲結胸則爲熱利也予作桂枝麻黃各半湯繼以小柴胡熱熱汗出大便亦通而解仲景云凡傷寒之病多從風寒得之始則表中風寒入裏則不消矣擬欲攻之當先表解乃可下之若表已解而內不消大滿大堅實有燥糞者自可除下之雖四五日不能爲禍也若不宜下而便攻之內虛熱入爲挾熱自利煩燥之變

不可勝數輕者困篤重者必死矣 原本正文重疊予刪正
此段其理甚明大抵風寒入裏不消必有燥糞或大便堅祕
須是脉不浮不惡風表證罷乃可下之大便雖四五日不通
亦無害若不顧表而下遂為挾熱利也

右桂枝麻黃為長沙入手第一方而麤工以之殺人者往往
而是故易水師弟以它藥代之不知者謂長沙有遺巧余謂
此正易水師弟不及長沙處而婆心切矣中醫守之可以萬
全今具摭為後賢表證治例及補養兼發散二條于後臨病
之工宜詳玩焉

發熱

發熱者無休止時也寒熱者寒已而熱熱已而寒相繼而發也潮熱者有時熱有時止如潮汛之不失其

期也若發熱不惡寒而渴為溫病發汗已身熱灼熱者為風溫若發熱手或微厥下利清穀此為陰證也失下

血氣不通四肢逆冷却發熱此熱深厥亦深也頭痛發熱惡寒身不疼痛止傷食證也不惡寒身不痛知非傷寒頭不疼脈不緊知非裏裏實但煩熱者虛煩也

中風卽發熱者風傷衛也傷寒不卽發熱者寒傷榮也經云傷寒一二日或已發熱或未發熱是也凡翕翕發熱而有惡風惡寒頭痛脈浮者表熱也此由風寒客於皮膚陽氣怫鬱所致宜汗之若小便黃非在外凡蒸蒸發熱而兼有譫語大便秘小便赤腹滿惡熱脈滑實者裏熱也此由陽氣下陷入陰中所致宜下之若小便清非在內也其在少陰厥陰發熱者謂之反發熱惟太陰無發熱之候若脈陰陽俱盛熱不止者死下利發熱汗後復發熱脈躁疾不爲汗衰在言不能食陰陽不交者死 蘭臺治例曰邪在三陽太陽證多與潮熱若同而異邪在三陰少

裏裡

陰證多與煩躁相類而非

發熱惡寒脉浮者屬表即太陽證也

方論見前
太陽店條

發熱汗出不

惡寒反惡熱者屬裏即陽明證也

方論見
自汗

發熱脉弦細頭痛

者屬半表半裏即少陽證也

論見口
苦咽乾

發熱而嘔者小柴胡湯

論見
嘔

發熱欬嗽表不解者小青龍湯兼脇痛喜嘔者小柴胡

加乾薑五味子湯

方論
見前

發熱而喘表不解者小青龍去麻黃

加杏仁湯兼胸滿者麻黃湯

方論
見喘

發熱口渴有屬表者有屬

裡者治法方論甚衆

並見
渴門

發熱汗解半日許復煩躁脉浮數大者可更發汗宜桂枝湯

詳
煩

發汗後惡風寒者虛故也不惡寒但惡熱者實也當和胃氣宜

調胃承氣湯

經曰汗出不惡寒者此表解裏
未和與調胃承氣湯和胃氣

太陽病三日發

汗後脉浮數者
更汗
汗後惡
孰者可

汗不解蒸蒸發熱者屬胃也調胃承氣湯主之

海大黃洩實芒硝軟堅甘草和

中必燥實堅三證全者可用

調胃承氣湯方

大黃壹兩。海宜酒浸蓋邪氣居高非酒不到譬如物在高巔人跡所不及必射而取之故用酒浸引上若生

用若洩峻下則遺高分之邪熱所以愈後或目赤或喉閉或頭腫膈上反生熱證矣

甘草半兩炙。海甘以緩之

芒硝玖錢。海辛以潤之鹹以飲之

右咬咀水一盞煮大黃甘草至七分去滓入芒硝更上火微

煮令沸少少溫服

成內經曰熱淫於內治以鹹寒佐以苦甘芒硝鹹寒以除熱

大黃苦寒以蕩實甘草甘平助二物推陳而緩中

發熱汗出不解心下痞鞭嘔吐而利者大柴胡湯論見

發汗

汗之病

後身灼熱脉浮汗出身重多眠鼻鼾者風溫論見發汗後仍

發熱心悸頭眩身瞶動振振欲擗地者宜真武湯論見汗出

熱不去內拘急四肢疼下利厥逆惡寒者宜四逆湯論見大

汗出脉陰陽俱盛不解者死內經云溫病汗徹復熱而脉躁疾

交者必死也

太陽病先發汗不解而復下之脉浮者不愈浮為在外而反下

之故令不愈今脉浮故知在外當須解外則愈桂枝湯主之

汗下後仍頭痛發熱心下滿小便不利者桂枝去桂加茯苓白

朮湯論見大下後身熱不去心中結痛者梔子豉湯主之論見

心痛大下後身熱不去微煩者梔子乾薑湯方論陽明病下

之其外有熱手足溫心中懊懣飢不能食但頭汗出者梔子豉

熱下之仍

傷寒論卷之六太陽病

湯論見

吐之發熱

太陽病當惡寒發熱今自汗出不惡寒發熱關上脉細數者以醫吐之過也一二日吐之者腹中飢口不能食三四日吐之者

不喜糜粥欲食冷食朝食暮吐以醫吐之所致也此為小逆成惡

寒發熱為太陽表病自汗出不惡寒發熱者陽明證本太陽表病醫反吐之傷動胃氣表邪乘虛傳於陽明也以關脉細數知

醫吐之所致病一二日為表邪尚寒而未成熱吐之則表寒傳於胃中胃中虛寒故腹中飢而口不能食病三四日則表邪已

傳成熱吐之則表熱乘虛入胃胃中虛熱故不喜糜粥欲食冷食朝食暮吐也朝食暮吐者晨食入胃胃虛不能耐化故停久

而復吐出者知為醫誤吐之胃虛所致本太陽病吐不為逆以傳陽明故以為逆然陽明雖為入府猶是陽經故不為大逆而

逆也

瘥後更熱者小柴胡湯脉浮者以汗解脉沉者以下解詳勞

傷寒脉浮滑此表有熱裏有寒白虎湯主之前篇云熱結在裏裏俱熱者白虎

脈浮滑

傷寒

湯主之又云其表不解不可與白虎湯此云脈浮滑表有熱裏有寒者必表裏字差矣又陽明一證云脈浮遲表熱裏寒四逆湯主之又少陰一證云裏寒外熱通脈四逆湯主之以此見差明矣又陽明篇曰脈滑而病者小承氣湯既用承氣是為裏熱也又厥陰篇曰脈滑而厥者裏有熱白虎湯主之是謂滑為裏熱明矣况知母石膏性皆大寒豈應以水濟水成氏隨文釋之非也

白虎湯方

知母

陸兩

石膏

壹斤

甘草

貳兩

粳米

陸合

右四味以水一斗煮米熟湯成去滓温服一升日三服

成白虎西方金神也應秋而歸肺熱甚於內者以寒下之熱

甚於外者以涼解之其有中外俱熱內不得泄外不得發非

是湯則不能解暑暍之氣得秋而止故曰處暑是湯以白虎

名謂能止熱也內經曰熱淫所勝佐以苦甘又曰熱淫於內

以苦發之欲徹表熱必以苦爲主故以知母苦寒爲君熱則傷氣寒以勝之甘以緩之熱勝其氣必以甘寒爲助是以石膏甘寒爲臣脾苦濕急食甘以緩之熱氣內餘消燦津液必以甘平之物緩其中故以甘草粳米爲使是太陽中暍得此湯則頓除卽熱見白虎而盡矣立秋後不可服白虎爲大寒劑秋時服之必爲噦逆虛羸者多矣

垣身以前胃之經也胸胃肺之室也邪在陽明肺受火制故用辛寒以清肺所以號爲白虎湯也

海夫傷寒表證發熱惡熱而渴與下雜證同但頭痛身熱目痛鼻乾不得卧白虎主之乃陽明經病也正陽陽明氣病脈洪大先無形也雜病裏證發熱惡熱而渴但日赤者病藏也

手太陰氣不足不能管領陽氣也宜以枸杞生地黃熟地黃
之類主之脉洪大甚則嘔血先有形也氣病在裏誤用血
藥無傷也爲安血而益陰也血病在裏誤用氣藥如白虎湯
者非也爲瀉肺而損陰也

垣辯誤服白虎變證。昔西臺掾葛君瑞二月中病傷寒發
熱以白虎湯主之病者面黑如墨本證遂不復見脉沉細小
便不禁東垣初不知也及診之曰此立夏以前誤服白虎白
虎大寒非行經之藥止能寒藏府不善用之則傷善氣本病
曲隱於經絡之間或投以大熱之藥求以去陰邪他證必起
非所以救白虎也可用溫藥升陽行經有難者曰白虎大寒
非大熱何以救君之證奈何東垣曰病隱經絡間陽道不行

而本證見矣又何難哉果如其言而愈

張活人謂白虎湯治中暍併汗後一解表藥耳非正傷寒藥也而夏月陰氣在內白虎尤宜戒之夫白虎湯具載仲景之書證治昭然明白何爲言非正傷寒之藥也况傷寒論言無表證者可與白虎湯今云汗後一解表藥耳于法旣無表證又何解之有又曰夏月陰氣在內白虎尤宜戒之而明理論又云立秋後不可服秋則陰氣半矣而白虎大寒若不能禁服之而爲噦逆不能食或虛羸者多矣夫傷寒之法有是證則投是藥安可拘于時而爲治哉假如秋冬之間患傷寒身無表證而大煩渴于法合用白虎湯苟拘其時何以措手若以白虎爲大寒其承氣又何行于冬令乎旣以夏宜戒秋後不

可行然則宜乎何時也雖然經云必先歲氣無伐天和此言常也假如賊邪變出陰陽寒熱亦當捨時從證豈可以時令拘哉

傷寒脉浮發熱無汗其表不解者不可與白虎湯若大渴欲飲

水無表證者白虎加入參湯主之

成傷寒脉浮發熱無汗其表不解不渴者宜麻黃湯渴者

宜五苓散非白虎所宜大渴欲水無表證者乃可與白虎加入參湯以散裏熱臨病之工大宜精別。張經言可與某湯或言不可與者此設法禦病也又云宜某湯此臨證審決也言某湯主之乃對證施治也此三者方法之條目也包藏深理非一言可以具述

脉浮而遲表熱裏寒下利清穀者四逆湯

論見下利

下利厥逆汗

出熱不去者四逆湯

少陰病下利清穀厥逆裏寒外熱者通脉四逆湯

方論見下利

身

逆發熱厥

脈浮遲者四逆湯

熱手足逆冷而脉虛當夏月發者為中暑論見中暑

傷寒表不解乾嘔發熱而咳下利者小青龍去麻黃加芫花湯

論見太陽與陽明合病必下利其證頭痛腰疼身熱鼻乾脉

浮大而長者宜葛根湯論見發熱下利脉微遲厥逆者通脈

四逆湯 太陽與少陰合病自下利其證頭寒胸滿往來寒熱

脉浮大而弦者宜黃芩湯論見下利清穀脉沉遲其人面赤

微熱而厥者必鬱冒汗出自解 發熱下利厥逆躁不得卧者

死 發熱而利汗不止者死二論俱見下利

發熱吐利心下痞硬者大柴胡湯渴者五苓散不渴者理中湯

論並見痞及吐利門

發熱經水適來適斷小柴胡湯刺期門論見諸語瘧狀 發熱脉數消

血發熱當

利發熱吐

利發熱下

穀不大便者有瘀血宜抵當湯

論見蓄血

戴諸陽發熱已見前三陽經陰不發熱惟少陰能發熱然少陰發熱有二證初得病即見少陰證發熱惡寒頭不疼宜麻黃細辛附子湯 若下利清穀身熱躁擾裏寒外熱仲景謂之反發熱此乃陰盛隔陽宜四逆湯附子理中湯蓋陽氣傳陰經而下利者乃是熱利陽陷入裏外所以無熱陰氣入陰經而下利者乃是裏寒自利寒既在裏為主則陽氣必客於外所以外反熱要知陰證發熱自是不同發於陽而發熱者頭必疼發於陰而發熱者頭不痛此為驗也 又發汗後只惡寒者為虛虛乃表虛發汗後只惡熱者為實實乃裏實只惡寒者是發其汗或汗出太過所謂陽微則惡寒宜芍藥甘

草附子湯只發熱者是表已解而裏不消所謂陰微則發熱
宜大柴胡湯或小承氣湯 又有汗下後陰陽不相入水火
不相濟致餘熱未退不可更用冷藥內外俱未可故宜小建
中湯若其人已虛虛能生熱宜小建中湯加當歸一錢或四
君子湯加黃芪半錢或十全大補湯調其榮衛虛者四桂湯
真武湯 審之是邪熱未解雖經汗下却不畏虛而養病宜
竹葉石膏湯

宋元諸賢表證發熱治例

潔有汗不得服麻黃無汗不得服桂枝然春夏汗孔疎雖有汗
不當服桂枝宜用黃芪湯和解之秋冬汗孔閉雖無汗不當服
麻黃宜用川芎湯和解之春夏有汗脉微而弱惡風惡寒者乃

太陽證秋冬之脉也宜用黃芪湯無汗亦用川芎湯秋冬有汗
脉盛而浮發熱惡熱者乃陽明證春夏之脉也宜用黃芪湯無
汗亦用川芎湯大抵有汗皆宜黃芪湯無汗皆宜川芎湯主之
黃芪湯有汗則能止之

白朮

黃芪

防風

各等分

右咬咀每服五七錢至一兩水煎溫服汗多惡風甚者加桂
枝

川芎湯無汗則能發之

川芎

蒼朮

羌活

各等分

右咬咀每服五七錢至一兩水煎熱服無汗惡風甚者加麻
黃壹貳錢

海神木湯治內傷冷飲外感寒邪無汗者

蒼木制

防風各貳兩

甘草壹兩

右咬咀加葱白生薑同煎服如太陽證發熱惡寒脉浮而緊

者加羌活貳錢如太陽證脉浮緊中帶弦數者是兼少陽

也加柴胡貳錢如太陽證脉浮緊中帶洪者是兼陽明也

加黃芩貳錢婦人服者加常歸或加木香湯或加藁本湯

各貳錢如治吹妳煎調六一散三五錢神效

又神木湯六氣加減例

太陽寒水司天加羌活桂枝餘歲非時變寒亦加冬亦加

陽明燥金司天加白芷升麻餘歲非時變涼濕亦加秋亦加

少陽相火司天加黃芩地黃餘歲非時變雨濕亦加夏亦加

太陰濕上司天 加白朮藁本餘歲非時變熱濕亦加夏末秋
初亦加

少陰君火司天 加細辛獨活餘歲非時變熱亦加春末夏初
亦加

厥陰風木司天 加川芎防風餘歲非時變溫和亦加夏亦加
已上神朮湯六氣加減法非止爲司天之氣設也至於歲之
主氣與月建日時同前應見者皆當隨所見依上例加減之
按海藏此論與戴人云病如不是當年氣看與何年運氣同
便向此中求妙法方知皆在至真中之歌相表裏實發前人
之所未發也蓋海藏此論所謂某氣司天加某藥者治常氣
之法也所謂隨所應見加減者治變氣之法也戴人所謂看

與何年同氣求治法者亦治變氣之法也能將二公之法擴
充行之則內經運氣之本義燦然矣夫內經論運氣有常氣
有變氣常氣者有定紀如某年屬某氣司天當寒某年屬某
氣司天當熱是也變氣者無定紀如某年屬某氣司天當寒
反熱當熱反寒是也王氏註文釋以經無定紀之變氣作有
定紀之常氣使後學皆以年歲占運氣而其應者十無一二
是以人莫之信而其道湮晦久矣二公生數千百年之後復
啟其端而續之與程朱續孔孟不傳之緒同功也今僕謹於
海藏逐年司天加藥之後伸餘歲變常之義同志者幸究心
焉

曰木湯治內傷冷物外感風寒有汗者

白朮 參兩

防風 貳兩

甘草 壹兩炙

右咬咀每服五錢水一盞薑三片煎至七分溫服一日止一
二服待二三日漸漸汗少為解

又白朮湯治傷寒上解三陽下安太陰

白朮

如汗之改
用蒼朮

防風 各貳兩

每服五錢水煎七分溫服用後方加減 若發熱引飲加黃

芩甘草 頭疼惡風者加羌活散三錢羌活一兩半川芎七

錢細辛二錢半去蘆

若身熱目痛者加石膏湯四錢石膏二

兩知母半兩白芷七錢 腹中痛加芍藥湯三錢芍藥二兩

桂枝半兩 往來寒熱而嘔者加柴胡散三錢柴胡一兩半

夏半兩 心下痞加枳實一錢 若有裏證加大黃一錢次

二錢又次三錢邪去止之

潔古云有汗不得服麻黃無汗不得服桂枝若未瘥則其變不

可勝言故立此法使不犯三陽禁忌解表神方九味羌活湯陶

文註云不問四時但有頭疼骨節痛發熱惡寒無汗脈浮緊者宜用此湯以代麻黃為穩當如頭疼發熱惡風自汗脈浮

緩者宜用加減冲和湯即羌活湯中減蒼木細辛加白朮黃芪是也

羌活壹兩半治太陽肢骨痛若主之藥也然非無為之主

者非此不除

防風壹兩半治一身盡痛乃卒伍卑賤之下職聽君命將令而行隨所使所引而至

蒼朮壹兩半治雄壯上行之藥能除濕下安太陰使邪氣不內傷之於足太陰脾

細辛半兩治足少陰腎若頭痛

白芷壹兩治陽明頭痛在額

川芎壹兩治厥陰頭痛在腦

生地黄壹兩治少陰心熱在內

黃芩

壹兩治太陰肺熱在胸

甘草

壹兩能緩裏急調和諸藥故有國老之稱

已上九味雖為一方然亦不可執當視其經絡前後左右之不同從其多少大小輕重之不一增損用之其效如神
水前服若急欲汗者須熱服以熱湯助之若緩欲汗者溫服不用湯助也
脈浮而不解者先急後緩脈沉而不解者先緩後急
此湯不獨解利治雜病亦神
中風祕澀者加大黃中風并三氣合而成痺等證各隨十二經上下內外寒熱溫涼四時六氣加減補瀉用之煉蜜作丸亦可
加生地黄各半治兩感傷寒如神用豆淋酒煎治破

傷風

解表雜方

發熱

和解散劑

治四時傷寒頭痛煩躁自汗咳嗽吐利平胃加藜桔

陳皮洗

厚朴去麤皮薑汁炙各肆兩

藜本

桔梗

甘草各半斤

蒼朮去皮壹斤

右為麤末每服三錢水一盞半薑三片棗二箇煎七分不拘

時熱服

平味芍蘇散

澹寮亦名芍芷香蘇散

治四時傷寒發熱頭痛

川芎柒錢

紫蘇葉

乾葛

柴胡

茯苓各半兩

半夏陸錢

陳皮叁錢半

枳殼炒叁錢

桔梗貳錢半

甘草貳錢

右咬咀每服三錢水一盞薑三片棗一枚煎七分溫服無

時

養胃湯和劑 治外感風寒內傷生冷憎寒壯熱頭目昏疼不問

風寒二證夾食停痰俱能治之但感風邪以微汗為好

半夏湯洗七次 厚朴去麁皮薑汁炒 蒼朮米泔浸一宿洗切炒各壹兩

橘紅半棗錢 藿香葉洗去土 草果去皮膜 茯苓去黑皮

人參去蘆各半兩 炙甘草貳錢半

右以咀每服四錢水一盞半薑七片烏梅一箇煎六分熱服

兼治飲食傷脾發為痲瘧寒多者加附子為十味名不換金

散和劑 治陰經傷寒脾胃不和及感寒邪

五積散和劑 治陰經傷寒脾胃不和及感寒邪

白芷去蘆 川芎 炙甘草 茯苓去皮

當歸去蘆 肉桂去皮 芍藥 半夏湯洗七次各叁兩

陳皮

去白

枳殼

去麩 麩炒

麻黃

去根節 各陸兩

乾薑

盛

厚朴

去麁皮 薑制 各肆兩

蒼朮

米泔浸 去皮 貳拾肆兩

桔梗

去蘆 拾貳兩

右除肉桂枳殼二味別為麤末將一十三味慢火炒令色轉

攤冷次入枳桂令勻每服三錢水一盞半薑三片葱白三段

煎一鍾不拘時熱服胃寒用煨薑挾氣加茱萸調經催生入

艾醋服 若脾胃不和內傷冷物渾身疼痛頭昏無力胸膈

不利飲食不下氣脉不和四肢覺冷或睡裏虛驚至晚心躁

困倦即入鹽少許同煎 若陰經傷寒手足逆冷及虛汗不

止脉細疾面青而嘔更宜加附子同煎加減多少並在臨時

消息之

海麻桂芍藥甘草卽麻黃桂枝各半湯也蒼朮甘草陳皮厚
朴卽平胃也枳桔陳茯苓卽枳梗半夏等湯也加芎歸治血
又加乾薑爲厚朴散此數藥相合爲解表溫中之劑消痞調
經之方雖爲內寒外感表裏之分所制實非仲景表裏麻黃
桂枝薑附之的方也惟在活法者變而通之

人參敗毒散

和劑

治傷寒頭痛壯熱惡寒及風痰咳嗽鼻塞聲

重風濕身腫體痛惡風疫癘四時通用傷風有汗夏至後用

羌活

獨活

前胡

柴胡

芎藭

枳殼

白茯苓

桔梗

人參

已上各壹兩

甘草

半兩

右爲末每服三錢水一盞生薑三片薄荷少許同煎至七分

去滓溫服

參蘇飲

元戎

治內外感一切發熱主藥又云前胡葛根自能解

肌枳殼陳皮自能寬膈大治中焦滿痞凡有熱不得拘其所

見小兒室女尤宜服之

木香 半兩

紫蘇葉

乾葛

半夏

湯洗七次薑汁炒

前胡 去苗

人參 去蘆

茯苓

去皮各半錢半

枳殼

去瓢麩炒

桔梗 去蘆

甘草 炙

陳皮

去白各半兩

右咳咀每服四錢水一盞半生薑七片棗一枚煎不拘時稍

熱服 若素有痰者候熱退以二陳六君子湯間服

右方治痰飲停積中脘閉塞眩暈嘈煩忪悸嘔逆及痰飲中

人停留關節手脚躡曳口眼喎斜半身不遂食已則嘔頭疼

發熱狀如傷寒者悉治之
一法用此藥三兩加四物湯貳
兩合和名茯苓補心湯大治男子婦人虛勞發熱或五心煩
熱并衄血吐血便血及婦人下血過多致虛熱者並宜服之
或因用心太過發虛熱者及往來寒熱者用之神效

加味香蘇散

拔粹

香附子

參兩

紫蘇梗

貳兩

陳皮

壹兩

甘草

半兩

右爲剉散每服四錢水一盞半煎一盞生薑三片連根葱白

二莖同煎熱服

頭痛加川芎白芷
頭痛如斧劈加石膏連鬚葱頭
偏正

頭風加細辛石膏薄荷
太陽穴痛加荆芥穗石膏
傷風

自汗加桂枝
傷寒無汗加麻黃
去節
乾薑
傷風惡寒加蒼

傷風咳嗽不止加半夏杏仁去皮尖傷風胸膈痞塞加

製枳殼傷風發熱不退加漳柴胡黃芩傷風鼻塞聲重

咽高不和加苦梗旋覆花傷風痰涎壅盛加白附子天南

星傷風鼻內出血加茅花傷風氣促不安加大腹皮桑

白皮傷風鼻塞不通頭昏加羌活荆芥傷風不散吐血

不時加生地黃傷風不解耳內出膿疼痛加羌活荆芥

傷風不解咽喉腫痛加苦梗傷風中脘寒不思飲食加去

白青皮枳殼傷風嘔吐惡心不止加丁香半夏傷風頭

暈眼花顛倒支持不住加熟附子傷風時作寒慄加桂枝

傷風痰壅嘔惡不止加白附子旋覆花半夏傷風後時

時作虛熱不退加入參傷風飲食不能消化加縮砂仁青

皮傷風一向不解作潮熱白日至日中不退日日如是加
地骨皮漳柴胡人參菴藷 初感風頭痛作熱鼻塞聲重加
羌活川芎 感風腰疼不能伸屈加官桂桃仁 感風渾身
痛不止加赤芍藥紫金皮 感風頸項強急不能轉頭加羌
活官桂 腹肚疼痛加木香 腹肚疼刺不可忍加薑黃茱
萸七粒 小腹疼痛無時不可忍加木香薑棗 婦人忽然
大便痛腫不能下地加木香木瓜茱萸 婦人被氣所苦胸
膈痞疼脇肋刺痛小便急疼加木香枳殼 婦人被氣疼所
苦加木香縮砂仁 脾胃不和中脘不快加穀芽神曲 傷
食吐嘔泄瀉腹痛加乾薑木香 心卒痛者加延胡索酒一
盞 飲酒太過忽遍身發疸或兩目昏黃加山茵陳山梔子

中酒吐惡加烏梅丁香 婦人經水將行先作寒熱加蘇

木紅花 婦人產後作虛熱不退煩渴加人參地黃 產後

發熱不退加人參黃芪 產後腰疼不已加當歸官桂冷嗽

不已加乾薑五味子杏仁 脾寒加良薑青皮草果 脚氣

加木香木瓜牛膝紫金皮茱萸川練子 感風寒發熱頭疼

加不換金正氣散 感寒頭痛壯熱惡寒身痛不能轉動加

生料五積散。飲食不下欲吐不吐加丁香與蘿蔔子。感

寒頭痛發熱身疼分陰陽加敗毒石膏。婦人產後風脚手

疼痛生料五積散人參敗毒散加木瓜不換金正氣散加生

地黃川芎同煎

十神湯利 治時令不正瘟疫妄行感冒發熱或欲出疹此藥

不問陰陽兩感風寒並宜服之

川芎

甘草

麻黃

去根節

乾葛

紫蘇

升麻

赤芍藥

干收

白芷

陳皮

香附子

各等分

右以咀每服五錢薑葱煎如頭痛甚更加葱白三莖中滿氣實加枳殼煎並熱服

吳此湯用升麻葛根能解利陽明經瘟疫時氣發散之藥也非正傷寒之藥若太陽經傷寒發熱用之則引邪入陽明經傳變發疰矣慎之

藿香正氣散

和劑

治傷寒頭痛憎寒壯熱或感濕氣霍亂吐瀉

常服除山嵐瘴氣伏暑吐瀉脚轉筋加香薷扁豆黃連名藿

蕭湯

太腹皮

白芷

茯苓

去皮

紫蘇莖葉

藿香

各參兩

厚朴

去麤皮 薑製

白朮

陳皮

去白

苦梗

半夏麴

各貳兩

甘草

炙壹兩

右以咀每服三錢薑三片棗一枚煎熱服

吳此方宋人所製治內傷飲食外感寒邪憎寒拘急頭痛嘔

逆胸膈滿悶與夫傷食傷冷傷濕中暑霍亂山嵐瘴氣不伏

水土寒熱作瘧並宜增損用之非正傷寒之藥若病在太陽

經頭疼發熱骨節痛者此方全無相干如妄用之先虛正氣

逆其經絡雖出汗亦不解變成壞證者多矣凡傷寒發熱脉

沉與元氣虛人并夾陰傷寒發熱者皆不可用切宜戒之

大白木湯

命保

和解四時傷寒混解六經不犯禁忌

白朮

石膏

各貳兩

防風

羌活

川芎

各壹兩

甘草

伍錢或壹兩

黃芩

枳實

去麩各伍錢

知母

柒錢

白芷

壹兩半

細辛

叁錢

右為麤末每服半兩水一盞半煎至一盞大溫服未解更一

服兩服藥粗又作一服 春倍防風羌活夏倍黃芩知母季

夏雨淫倍朮白芷秋加桂枝五錢冬加桂捌錢或一兩

右下上諸方皆為元氣不虛者設也如芎蘇香蘇散則內傷

少而外感多者宜之和解散養胃湯則外感少而內傷多者

宜之五積散則寒多者宜之冬亦宜之大白木湯則熱多者

宜之春夏亦宜之敗毒散則宜於挾濕者參蘇飲則宜於挾

痰者十神正氣則吳氏之議當矣大抵證兼表裏邪由錯雜似傷寒而非正傷寒者乃可於諸方中斟酌選用若脉證與麻黃桂枝脗合自當遵仲景法治之卽元氣素虛或平素有熱不宜麻桂者亦必如潔古海藏法緩緩消減庶無誤爾人命至重死不復生臨病之工宜詳審焉

戴院使

元禮

治法傷風傷寒初得病時並宜和解散芎芷香

蘇散或養胃湯加草芎各半錢熱服溫覆若的是傷風有前自汗惡風等證可用桂枝湯令其熱服溫覆喘加杏仁一錢咳加五味子一錢渴加人參半錢外熱未止者敗毒散熱而有汗者敗毒散加桂枝半錢或陽旦湯嘔者不宜用桂枝湯合於本方加半夏一錢添薑煎此非合病之嘔係傷寒雜病

卽非正寒故可用也風寒二證理當發汗而其人虛不可汗者宜桂枝湯加黃芪半錢若的是傷寒有前惡寒無汗等證可用五積散厚被覆之取汗喘嗽者杏子湯加麻黃半錢欲汗而不得汗者再進已汗而身熱不退者參蘇飲或敗毒散加桂枝半錢嘔者養胃湯此非治合病之嘔若風寒俱傷或惡風而無汗或惡寒而無汗疑似之間只宜五積散半貼加敗毒散半貼名交加散喘嗽者小青龍湯有初得病太陽證具但寒而未卽爲熱至一二日後方熱此傷於寒若傷風卽有熱矣但寒未熱者五積散發汗有已服解表藥不惡風不惡寒諸表證已罷於裏又未躁未渴小便亦未赤大便如常獨身熱未除者宜香蘇散敗毒散小柴胡湯加桂枝半錢有

已服解表藥證已罷又無裏證其人體痛不減者恐是發汗
多榮衛不和所致宜小建中湯用半厚半薄之桂

河間劉氏治法傷寒表實無汗頭項痛腰脊強身熱惡寒肩
背拘急手足指末微厥脈浮緊而濇當以清解散加天水散
汗之傷風表虛自汗頭項強痛肢節煩疼鼻鳴乾嘔惡風手
足溫脈浮緩當以通解散或天水散解之或表虛或表實但
口乾煩渴者悉宜雙解散汗之汗後餘熱不解以涼膈散退
之或日深或日淺但有表證而脈沉數者先以天水連翹飲
子清之待脈浮而裏熱減然後以雙解散汗之傷寒表不解
脈浮小便不利微熱口乾五苓散分之表熱多裏熱少益元
一涼膈半和解之裏熱多表熱少涼膈一益元半調之若表

裡俱熱頭痛口乾自汗不止白虎湯治之或半在表半在裏
往來寒熱口苦舌乾耳聾乾嘔胸脇痞痛小柴胡湯和解之
或膈熱嘔吐不止者半夏橘皮湯治之或飲水不止以成濕
熱大便秘瀉小便赤澀腹滿急痛頭痛口乾者桂苓甘露飲
主之或濕熱內餘而成下痢頻併少腹而痛者黃連解毒湯
治之傷寒日深表裏熱勢極甚心下急鬱微煩或發熱汗出
不解心下痞鞭嘔吐下利或陽明病多汗或太陰腹滿實痛
或少陰下利清水心下痛而口乾或無表裏證但發熱七八
日脈雖浮數宜雙除表裏之熱大柴胡湯微下之或加小承
氣湯尤妙傷寒日深裏熱極甚日晡潮熱譫言妄語發狂腹
滿實痛法當大承氣湯下之或用三一承氣湯尤良

右戴氏用藥徧熱劉氏用藥徧寒於世運風土稟質感受各有所宜臨病者詳審而酌施之方許親見長沙耳劉氏所用諸方前條無之今列于後

通聖散劑輕治風熱鬱結憎寒發熱筋脉攣痺肢體焦痿頭目昏

眩耳鳴鼻塞口苦舌乾咽喉不利涕唾稠粘咳嗽上氣腸胃燥澀便血瘀血瘡瘍腫痛疔瘡不痊婦人產後血滯腹痛小兒驚風積熱并墜馬跌仆疼痛或傷寒傷風等證並皆治之

防風

芒硝

連翹

川芎

麻黃

薄荷

白芍藥

當歸

大黃各伍錢

黃岑

桔梗

石膏各壹兩

甘草貳兩

荆芥

山梔

白朮各壹兩

滑石 參兩

右以咀每服一兩或二兩水二盞生薑三片同煎七分去滓
溫服不拘時如發散風寒加葱白三莖如治痰嗽每服加半
夏少許

涼膈散 清劑 治心火上盛膈熱有餘目赤頭眩口瘡唇裂鼻衄吐

血咳嗽痰涎淋閉不利大小便不通或傷寒半表半裏及胃
熱發癍及陰耗陽竭用以養陰退陽或汗下後餘熱不解并
小兒瘡痘黑陷並皆治之

不連翹 壹兩

甘草

山梔

黃芩

大黃

薄荷

朴硝

各伍錢 貳錢半

右為咀咀每服一兩水一鍾竹葉三十片同煎七分去滓入

生蜜少許食後溫服加黃連五錢名清心湯

天水散劑淡治傷寒表裏俱熱煩渴口乾小便不通及霍亂吐瀉

下利腸澼偏主石淋及婦人產難催生下乳神仙之妙藥也

桂府滑石 膩白者陸兩

粉草 壹兩 研

右為極細末每服三錢白湯調下新汲水亦得 加薄荷末

少許名鷄蘇散加青黛末少許名碧玉散治療並同但以避

世俗之輕侮爾

三一承氣湯 治傷寒大承氣湯證腹滿實痛調胃承氣證譫

語下利小承氣湯證內熱不便三一承氣湯合而為一也及

治中風僵仆風癰發作並皆服之此下劑也

大黃

芒硝

厚朴

枳實 各壹兩

甘草 伍錢 宣明論方 甘草倍于四味

右咬咀分作三服每服水二盞生薑三片同煎七分去相溫服不拘時候以利為度

雙解散 治傷寒傷風或有汗或無汗表證悉具內熱口乾

通聖

天水 各壹半

右為咬咀每服二兩水二大鍾生薑三片葱白三根同煎七分去滓微熱服以取其汗

清解散 治一切感冒

蒼朮 炒

荆芥 各貳兩

甘草 壹兩

麻黃 壹兩半

右四味咬咀每服一兩水二鍾生薑三片葱白一莖同煎七分去滓微熱服以被蓋覆取汗為度

半夏橘皮湯 治一切嘔吐不止

人參

白朮

白茯苓

甘草

黃芩

半夏

厚朴

藿香葉

葛根

橘皮

各等分

右為呔咀每服一兩水一碗煎七分去滓入生薑自然汁少許溫服不拘時

○補養兼發散例

丹溪云有卒中天地之寒氣者有口食生冷之物者故傷寒為病必身犯寒氣口食寒物者是以從補中益氣湯加發散藥屬內傷者十居八九其法邪之所湊其氣必虛只用補中益氣湯中從所見之證出入加減氣虛甚者少用附子以行

參朮之氣

補中益氣湯方
見雜病勞倦門

內傷之病專主東垣內外傷辨

甚詳世之病此者為多但有挾痰挾外邪者鬱熱於內而發

者皆以補元氣為主宜看其所挾而兼用藥 一男子素嗜

酒因暴風寒衣薄遂覺倦怠不思飲食半日至睡後大發徧

身疼痛如被杖微惡寒天明診之六脉浮大按之豁然左為

甚予作極虛受風寒治之人參為君黃芪白朮歸身為臣蒼

朮甘草木通乾葛為佐使大劑與之至五貼後通身汗如雨

凡三易被得睡覺來諸證悉除 盧兄年四十九歲自來大

便下血脈來沉遲瀦面黃神倦者二年矣九月間因勞倦發

熱自服參蘇飲二貼熱退早起小勞遇寒兩手背與面紫黑

昏仆少時却醒身大熱妄語口乾身痛至不可眠脈之三部

不調微帶數重時虛豁左手大於右手以人參二錢半帶節
麻黃黃芪各一錢白朮二錢當歸五分與三五貼得睡醒來
大汗如雨卽安兩日後再發脇痛欬嗽若睡時嗽不作而妄
語且微惡寒診其脉似前而左畧帶緊予曰此體虛再感寒
也再以前藥加半夏茯苓至十餘貼再得大汗而安後身倦
不可久坐不思飲食用補中益氣去涼藥加神麴半夏砂仁
五七十貼而安 杭州葉君章臘月囚齋素中飢而冒寒作
勞遂患發熱頭痛醫與小柴胡湯遂自汗神昏耳聾目不見
物予診其脉大如指似有力熱不退與人參黃芪白朮熟附
子炙甘草作大劑服之一日而汗少二日而熱減半耳微有
聞目能視物初用藥至四貼前藥中加蒼朮與兩服再得汗

而熱除本日遂去蒼朮附子又與前藥作小劑服三日而安
呂仲修年六十六歲正月間因忍饑冒寒作勞頭痛惡寒
發熱骨節皆疼無汗至次日妄語熱愈甚而妄語時止時作
熱亦不爲十分自服參蘇飲兩貼汗不出又再進一服以衣
覆取汗大出而熱不退至第四日予診其脉兩手皆洪數而
右爲甚此因飢而胃寒加之作勞陽明經雖受寒氣不可攻
擊宜急以大劑補之以回其虛俟胃氣充實自能出汗而解
遂以參芪白朮歸身陳皮炙甘草每貼加熟附子一片一晝
夜服五貼至第三日口稍乾言語有次諸證雖解而熱未退
遂去附子加白芍又兩日思食却作肉羹間與之又三日精
神全二日許自汗出而熱退診其脉不數洪脉却尚有些洪

脈侔大脈論年高而誤汗此後必有虛證見又與前藥至次日言我大便自病來不曾更衣今穀道通通虛坐努責狀如不堪醫者必欲投大黃巴豆等劑予謂大便非實祕爲是氣因誤汗而虛不得充腹無力可努仍與前補藥以肉粥及菘蓉與之一日半煎濃葱椒湯浸下體下大便軟塊者五六枚診其脈仍舊大未斂此因氣血未得回復又與前藥兩貼經兩日小便不通少腹下妨悶頗爲所苦但仰卧則點滴而出予曰補藥服之未盡於前藥內倍加參芪大劑服兩日小便方利而安 汪機治一人年三十餘因冒寒發熱醫用發表不瘳繼用小柴胡熱熾汗多遂昏昏憤憤不知身之所在卧則如雲之停空行則如風之飄毛兼有消穀善飢夢遺諸證

觀其形類肥者曰此內火燔灼而然虛極矣診其脈皆浮洪如指曰脈經云脈不爲汗衰者死在法不治所幸者脈雖大按之不鼓形雖長而色尚蒼可救也醫以外感治之所謂虛其虛誤矣經云邪之所湊其氣必虛宜以內傷爲重遂用參芪歸朮大劑少加桂附服十餘貼病減十之二三再減桂附加芍藥黃芩服十餘貼病者始知身卧于牀足履于地喜曰可不死矣服久果起

薛院使已治一人年七十九仲冬將出少妾入房致頭痛發熱眩暈喘急痰涎壅盛小便頻數口乾引飲徧舌生刺縮斂如荔枝然下唇黑裂面目俱赤煩躁不寐或時喉間如烟火上衝急飲涼茶少解已瀕於死脈洪大而無倫且有力捫其

身烙手此腎經虛火遊行於外投以十全大補加山茱萸澤
瀉丹皮山藥麥門五味附子一鍾熟寐良久脈證各減三四
再與八味丸服之諸證悉退後畏冷物而痊

本事方黃芪建中加當歸湯 治發熱頭疼脈浮數而尺中遲
弱者宜先服此藥補血却與麻黃桂枝輩

黃芪

當歸 各壹
兩半

白芍藥

桂枝

甘草 各壹兩

右以咀每服伍錢薑三片棗一枚水煎日三夜二服如脈尚
沉遲再進一服

海黃芪湯治傷寒兩感拘急三焦氣虛自汗及手足汗出或手
背偏多或肢體振搖腰腿沉重面赤目紅但欲睡眠頭面壯熱

兩脇熱甚手足自溫兩手心熱自利不渴大便或難或如常度
或口乾咽燥或渴欲飲湯不欲飲水或少欲飲水嘔噦間作心
下滿悶腹中疼痛或時喜笑或時悲哭或時太息或時語言錯
亂疑作譫語狂言者非也神不守舍耳始得病于寤寐之間或
恐悸頭項不甚痛行步只如舊此陰盛陽虛之故也兩手脈浮
沉不一或左或右徃來不定有沉瀟弱微弦五種陰脈形狀按
之全無力浮之損小沉之亦損小皆陰脈也宜先緩而後急緩
宜用黃芪湯

黃芪湯方

人參

生薑

黃芪

白茯苓

白朮

白芍藥

各壹兩

甘草

柒錢

嘔者加藿香陳皮各伍錢甚者加乾薑炮壹錢

右呔咀水煎量證加減多少用之 如大便秘結者調中丸

主之

調中丸方

人參

白朮

白茯苓

乾薑

甘草 各等分

右為末煉蜜丸每兩作十丸或五丸每服一二丸水少許煎服若病急者黃芪湯每服加乾薑一錢大便結者理中丸主之

理中丸方

人參

白朮

乾薑

炮恐熱以甘草炙

右等分爲末煉蜜丸每兩作五丸白湯化下先緩後急也若
尤急者無汗宜附子乾薑甘草湯若自汗者宜白朮附子甘
草湯量脉證可於四逆湯或真武湯或通脉四逆湯選用之
〔丹〕絜矩新書謂有雜合邪者當以雜合法治之譬如惡寒發
熱得之感冒明是外合之邪已得浮數之脉而氣口又緊盛
明爲食所傷病者又倦怠脉重按俱有豁意而胸膈痞滿間
引兩脇其脉輕取又似乎弦此又平昔多怒肝邪之所爲也
細取左尺大細沉弱此又平時房勞之過也治法宜以感冒
一節且放後先視其形色強弱厚薄且以補中化食行滯清
涼胃火而以薑辣行之則中氣稍回傷滯稍行津液得和通
體得汗外感之邪自解醫者不肯詳審求之只顧表散外邪

又不推究兼見之邪脉亦不窮問所得之病因與性情之執
著巧施雜合治法將見正氣自虛邪氣愈固皆拙工之過也
〔婁〕此篇集丹溪海藏諸賢治傷寒皆以補養兼發散之法實
本經成敗倚伏生於動動而不已則變作及風雨寒熱不得
虛邪不能獨傷人之旨也蓋凡外傷風寒者皆先因動作煩
勞不已而內傷體虛然後外邪得入故一家之中有病者有
不病者由體虛則邪入而病體不虛則邪無隙可入而不病
也是故傷寒爲病屬內傷者十居八九後學無知舉世皆謂
傷寒無補法但見發熱不分虛實一例汗下而致天橫者滔
滔皆是此實醫門之罪人也今集此法於仲景之後其應如
響使人遵之不犯虛虛實實之戒也

右綱目之文余見世醫泥於傷寒無補法多犯虛虛實實之戒故備述之而刪其純內傷者及丹溪醫按之庸蕪者又增近代二醫按以爲虛人感寒之活例云爾神而明之存乎其人不可泥也余嘗治一刻字工人新婚冬月冒寒表證悉具令以人參紫蘇莖葉各一兩煎湯飲之汗出而愈一孕婦春夏之交患溫病頭痛發熱不惡寒而渴未及療治胎墮去血無筭昏眩欲絕余令以麥門冬助許入淡竹葉香豉頻頻飲之亦汗出而愈盖用勞復法治之得此活法則於治是病庶幾可十全矣

韓祗和氏和解因時法

傷寒病有可汗者論中但統言其可汗證及可汗脉或云脉浮

而數或云脉浮緊或云脉浮無汗而喘或云脉浮爲在表今畧
舉數條後人但憑其脉之大概並不分脉浮有陰陽虛盛之理
又不知有可汗不可汗之證誤投發表藥則多變成陽毒之患
矣今舉病人有汗惡風無汗惡寒分二等及據立春已後立秋
已前氣候輕重各立方治之庶學者易爲開悟耳

一病人二三月已前兩手脉浮數或緩或緊按之差軟寸關尺
若力齊等其力不甚大不甚小者亦未可便投解表藥或
見裏證未見表脉也宜候寸脉力小如關尺即一悉具
大抵治傷寒病見證不見脉未可投藥見脉而投之亦平其
藥亦無害也凡治雜病以證爲先或一悉具
先證爲後

傷寒辨脈去冬外証實實之

一病人兩手脉浮數而緊名曰傷寒若關前寸脉力小關後尺脉力大雖不惡風不自汗出此乃陰氣已盛先見於脉也若不投藥和之後必惡風及自汗出若立春已後至清明已前宜調脉湯主之清明已後至芒種已前宜葛根柴胡湯主之芒種已後至立秋已前宜人參桔梗湯主之

調脉湯方

葛根 壹兩

前胡 壹兩

防風 各半錢

甘草 炙半兩

為麤末每服五錢水一盞生薑一塊如小指大劈破煎七分去滓温服如寸脉依前力小加棗三枚同煎

葛根柴胡湯

葛根 壹兩半

柴胡 去蘆壹兩

芍藥

桔梗

甘草 炙各柴錢半 厚朴 半兩

右咬咀每服五錢水一盞生薑二片煎至七分去滓熱服如寸脉依前力小加葱白三寸同煎服

人參桔梗湯

人參

桔梗 各柴錢半

麻黃 去節壹兩

石膏 參兩

甘草 炙柴錢半

右每服五錢水一盞荆芥五穗同煎至七分去滓熱服如寸脉依前力小加麻黃二分去節同煎服

一病人兩手脉浮數而緩名曰中風若寸脉力小尺脉力大雖

不惡風不自汗此乃陰氣已盛先見於脉也若不投藥和之

後必惡風自汗出若立春已後清明已前宜薄荷湯主之清

明已後芒種已前宜防風湯主之芒種已後至立秋已前宜香芎湯主之

薄荷湯

薄荷 壹兩

葛根

人參

甘草 炙各半兩

防風 去蘆 貳兩

右咬咀每服五錢水一盞煎至七分去滓熱服如三五服寸脉力尚小加薄荷二分同煎

防風湯

防風 去蘆 壹兩

桔梗 叁錢

甘草 炙

旋覆花 各半兩

厚朴 叁分

右咬咀每服五錢水二盞薑一塊同煎熱服如三五服寸脉

力尚小加荆芥穗五七莖同煎

香芎湯

川芎

貳錢半

石膏

貳兩

升麻

叁兩

甘草

炙

厚朴

製各半兩

右咬咀每服五錢水二盞煎七分溫服如三五服後寸脈力

尚小加細辛二分同煎

前二段文將中風傷寒各立法者何蓋謂病人始得病三日已前或因中風脈緩或因傷寒脈緊然脈雖先見而證猶未見尚可以藥解之故立方耳

一病人兩手脈浮數或緊緩寸脈短反力小於關尺脈者此名陰盛陽虛也若自汗出惡風是邪氣在表陰氣有餘也素問

云陰氣有餘為多汗身寒即可投消陰助陽表劑以治之若
立春已後清明已前宜六物麻黃湯主之清明已後芒種已
前宜七物柴胡湯主之芒種已後立秋已前宜發表湯主之
六物麻黃湯

麻黃去節 壹兩

葛根

蒼朮各柒錢半

人參

甘草炙各半兩

右咬咀每服五錢水一盞棗二枚煎七分熱服如三五服後

汗未止惡風者加荆芥七錢三五服後不惡風猶汗者加丁

香皮半兩

七物柴胡湯

柴胡

蒼朮各貳兩

荆芥

麻黃

各壹兩

甘草 炙 宋錢

右咬咀每服五錢水一盞薑一塊棗二枚同煎七分熱服如
三五服後汗未止惡風者入葱白三寸如三五服後汗未止
加當歸一兩同煎

發表湯

麻黃 去節 壹兩

蒼朮 貳兩

人參

當歸 各半兩

炙甘草

丁香皮 各柒錢半

右咬咀每服五錢水一盞入薑一塊棗三枚同煎至七分去
滓熱服如三五服汗未止猶惡風者加桂枝七錢如汗未止

更加細辛半兩以汗止為度

一病人脈浮數或緊或緩其脈上出魚際寸脈大於關尺者此

名陽盛陰虛也若發冒悶口燥咽乾者乃是邪氣在表陽氣獨有餘也素問曰陽氣有餘為身熱無汗是也可投消陽助陰藥以解表若立春已後至清明已前宜人參湯主之清明已後至芒種已前宜前胡湯主之芒種已後至立秋已前宜石膏湯主之

人參湯

人參

半兩

柴胡

壹兩

芍藥

炙甘草

各柒錢半

石膏

貳兩

右咬咀每服五錢水一盞薑一塊煎七分熱服如三五服後熱不解者入豉三十粒同煎服

前胡湯

前胡 壹兩

石膏 貳兩

甘草 炙半兩

桔梗

豉 各柒錢半

右每服五錢水一盞薑五片煎七分去滓熱服如三五服熱尚未解加豉三十粒煎再服

石膏湯

石膏 叁兩

芍藥

柴胡 各壹兩

升麻

黃芩

炙甘草

各柒錢半

右以咀每服五錢水一盞半豉一合煎八分熱服如三五服後熱未解者加知母一兩又未解加大黃一兩

一病人兩手脈浮數或緊或緩三部俱有力無汗惡風者此是陰陽氣俱有餘素問曰陰陽有餘則無汗而寒是也可用藥

十之若立春已後至清明已前宜解飢湯主之清明已後至
芒種已前宜芍藥湯主之芒種已後至立秋已前宜知母湯
主之

解肌湯

石膏

貳兩

麻黃

去節柒錢半

甘草

炙

升麻

各半

右以咀每服五錢水一盞入豉半合煎至八分去滓熱服如
三五服後猶惡風者加麻黃半兩石膏一兩

芍藥湯

甘草

炙半兩

芍藥

壹兩

石膏

叁兩

荆芥穗

壹兩

右以咀每服五錢水一盞生薑一塊煎至七分去滓熱服如
三五服後猶惡風者每服加生薑一塊同煎服

知母湯

知母 壹兩

石膏 貳兩

麻黃 貳兩
升麻 各壹兩

炙甘草 半兩

右咬咀每服五錢水一盞入生薑一塊同煎至七分去滓溫服如三五服後猶惡風者加麻黃升麻各半兩

前三段文將中風傷寒一法治者因病人始得病後脈證俱見若投解劑必不能愈故立前方同法治之

仲景云傷寒爲病脈緩者爲中風脈緊者名傷寒今分此二端何也始因冬寒毒之氣中人其內伏之陽沉潛于骨髓之內每至春夏發時或因外傷寒而引內邪出或因外傷風而引內邪出及乎內邪既出而爲病一也古人云立此二端怨

後人疑其緊脈與緩脈治別也若中風與傷寒脈異何故仲景無別法治之此乃後人不究仲景之心也病人始得病一二日至五六日尚有表脈及表證亦可依脈證投藥凡投解表及發表藥每一日可飲三服病證甚可至五服外不可頓服藥也如證未解次日依前再投如證依前未解可作熱粥投之粥內加葱白亦可如有汗出勿厚衣蓋覆恐汗出太過作亡陽證也

海藏云韓氏微旨可汗一篇有和解因時法言傷寒之脈頭小尾大傷風之脈頭大尾小李思訓保命新書亦分尺寸與仲景同之非若前人總言尺寸脈俱浮而緊尺寸脈俱浮而緩緊則爲傷寒無汗緩則爲傷風自汗又有傷寒有汗者傷

傷寒經 卷二
風無汗者脉亦互差與證不同前人已盡之矣惟韓李所言
頭小尾大卽爲傷寒尾小頭大卽爲傷風人病間有脉證未
顯于尺寸者故韓李述爲和解因時法也又恐後人疑其不
與前聖合遂於本方內又立加減法數條亦不越前人之意
何其當哉盖二公者當宋全盛之時故又戒麻黃桂枝不可
輕用改用石膏升麻葛根柴胡之平劑當時則可非百代常
行之道時世遷移之法也可汗一篇若隨湯液隨證應見自
有定規雖明哲不可踰也

又寸口脉小飲冷與霧露所傷同作中焦治今韓李云傷寒
寸小者勿認與飲冷霧露同傷一體也飲冷霧露所傷寸口
舉按全無是陰氣在胃不和陽氣不能升越也傷寒寸口小

者只於關部下至膀胱本部見之寸口雖小只是舉之微小
沉得之有也非若飲冷舉按全無也若果寸口舉按全無卽
不可解表只宜溫中不可不知

惡寒

此門係初稿故仲景法與後人續法混列以其頗有條理不復改正讀者詳之

惡寒者風寒客於榮衛非寒熱之寒又非惡風也故不待見風
而後怯寒雖身大熱亦不欲去衣被也甚則向火增被不能遏
其寒所以然者由陰氣上入陽中或陽微或風虛相搏之所致
也惡寒一切屬表雖裡證悉具而微惡寒者亦表未解猶當先
解其外俟不惡寒乃可攻也經云發熱惡寒發於陽可發汗無
熱惡寒而踈脈沉細發於陰可溫裏惡寒雖悉屬表亦有虛實
之分若汗出而惡寒爲表虛無汗而惡寒爲表實表虛可解肌

表實可發汗

傷寒太陽病在表故惡寒少陽半在表半在裏亦微惡寒陽明

在裏本不惡寒或惡寒者與太陽合病也

太陽發熱惡寒脉浮

方論見前太陽病發熱門

陽明中風口苦咽乾腹滿微喘發熱惡寒脉浮而緊亦麻黃湯

證也 陽明病脉遲汗多微惡寒者表未解亦桂枝湯證也

用代藥如前例

少陽證頭汗出微惡寒小柴胡加桂湯

三陰惟少陰經有惡寒之證太陰厥陰皆不惡寒然少陰惡寒

又有二證發於少陰者無熱而惡寒宜溫之屬理中湯四逆湯

少陰無熱惡寒似與前太陽經未即熱一條相似所謂寒未即

熱者爲太陽證具而未熱耳此之無熱惡寒蓋無太陽頭痛等證知爲少陰也

少陰病下利惡寒而踈四逆湯真武湯小建中湯 若惡寒而

踈時時自煩欲去衣被者活人用大柴胡湯下之趙氏以爲宜

溫散陰邪導引真陽汗而解可也若下之非惟不能解表反虛

其裏使惡寒之邪乘虛內陷縱使其脉沉滑而實亦未可遽用

大柴胡必須先解表使惡寒證罷而後可用也 少陰病惡寒

身踈而利手逆冷者不治無陽故也 少陰四逆惡寒而身踈脉不

至不煩而躁者死

外有太陰自利不渴厥陰下利厥逆俱或惡寒太陰宜理中湯

厥陰宜四逆湯前旣言二陰不惡寒今又言或惡寒要知太陰

厥陰皆不惡寒者此陽傳陰者也三陰皆能惡寒者陰入陰者也特在少陰為多耳

惡寒脉微而復利利止亡血也四逆加人參湯主之成惡寒脉微而利者

陽虛陰勝也利止則津液內竭故云亡血金匱玉函曰水竭則無血與四逆湯溫經助陽加人參生津液益血

四逆加人參湯方

人參

乾薑

甘草

各壹兩

附子

壹枚去皮煨

右咬咀每服五錢水煎溫服日三

發汗病不解反惡寒者虛故也芍藥甘草附子湯主之成發汗病解則

不惡寒發汗病不解表實者亦不惡寒今發汗病且不解又反惡寒者榮衛俱虛也汗出則榮虛惡寒則衛虛與芍藥甘草附

子湯以補榮衛

芍藥

炙甘草

各壹兩

附子

壹枚炮去皮破掇片

已上三味以水五升煮取一升伍合去滓分温服○疑非仲景

成芍藥之酸收斂津液而益榮附子之辛熱固陽氣而補衛甘草之甘調和辛酸而安正氣

下後復發汗心振寒脉微細者此內外俱虛也當歸四逆湯真

武湯

太陽病下後脉促胸滿者桂枝去芍藥湯主之

桂枝去芍藥湯方

桂枝去蘆皮

生薑切各壹兩半

甘草炙壹兩

大棗陸枚

右咬咀每服五錢水煎温服

若微惡寒者去芍藥加附子湯主之

前方加附子半箇去皮炮○活人云芍藥味酸脉促

胸滿恐成結胸故去芍藥单用辛甘之味發散毒氣也

傷寒汗下後心下痞而惡寒者表未解也先用桂枝湯解表用

大黃黃連瀉心湯攻痞若痞而汗出惡寒者表也解已附子瀉

心湯主之

方論見痞

背惡寒背負陽抱陰背寒者陽弱也然有陰陽二證少陰一證

以陰寒氣盛不能消耗津液故口中和三陽合病以陽氣陷入

津液為之涸故舌乾口燥以此別之思過半矣 口中和而背

惡寒者屬少陰宜附子湯

見欲寐嗜卧

舌乾口燥內有熱證口中

不仁背惡寒者為三陽合病宜白虎湯

見發熱

經云腹滿身重

面垢譫語遺尿口中不仁為三陽合病白虎加人參湯主之見

若自汗者亦用白虎加人參湯

又陽明證背微惡寒無大熱

口中燥渴者亦用白虎加人參湯

中暑亦有背惡寒證但面

垢自汗脈虛而伏詳見雜病中

凡脾胃素虛之人遇暑月間

飲水水或噉生冷寒氣蓄聚陰上乘陽故寒從背起冷如掌大
此當以溫藥主之

大順散
之類

惡風

衛氣者所以溫分肉充皮膚肥腠理司開闔者也故風邪中於
衛也則必惡風惡風惡寒俱爲表證但惡風比惡寒爲輕耳惡
寒者雖不當風而時自怯寒惡風者居密室之中幃幙之內則
無所畏或當風或揮扇則淅淅然而惡也惡寒則有陰陽之分
惡風唯屬陽耳所以三陰之證並無惡風惡風雖在表而發散
又自不同若無汗惡風則爲傷寒當發其汗故用麻黃湯若汗
出惡風則爲中風當解其肌故用桂枝湯裏證雖具而惡風未
罷皆當先解其外也

發熱惡風為表虛屬太陽病

見發熱太陽病條

發汗後遂汗漏不止

其證似風濕相搏證背惡風汗出小便不利四肢難屈伸但心

下不滿者身不痛用桂枝加附子湯

見自汗

風濕相搏者骨節

煩疼掣痛用甘草附子湯

方見體痛

身熱惡風項強脇滿手足溫

而渴者用小柴胡湯

見脇痛

頭痛

傷寒頭痛雖屬三陽惟太陽經獨多蓋太陽為病屬表而頭痛

專為主表雖有傷寒六七日頭痛不大便有熱而與承氣湯下

之者却云若小便清者知熱不在裏仍在表是知頭痛屬表明

矣太陰少陰二經之脈從足至胸而還不上猶頭故無頭痛惟

厥陰脈循喉嚨之後上連目系與督脈會於巔亦有頭痛乾嘔

吐涎沫吳茱萸湯一證却無身熱亦與陽證不同也然風温病

在少陰濕温病在太陰而頭反痛至於陰毒亦是又不可拘

拘為者內因頭痛作止有時外因頭痛常常有之直須傳入裏

方罷

太陽

發熱頭痛惡風屬太陽

方論見太陽病發熱

汗

大便不利六七日頭痛身

熱小便赤者宜承氣湯若小便利者知不在裏仍在表須發汗

若頭痛者必衄宜桂枝湯

論見胃實

和解

服桂枝湯或下之仍頭項強

痛翁翁發熱兼心下滿微痛小便不利者桂枝去桂加茯苓白

木湯

方論見項強

太陽中風下利嘔逆表解者可攻之其人發熱

汗出發作有時頭痛心下痞鞭引脇下痛乾嘔短氣汗出不惡

寒者表解裏未和也十棗湯

方論見脇滿痛

張或謂十棗湯與桂枝去桂加茯苓白朮湯二者皆屬飲家
俱有頭項強痛之病何也此經絡所繫非偶爾而言也針經
曰太陽膀胱之脉起于目內眥皆上額交巔上其支者從巔
上至耳上角直者從巔入絡腦還出別下項循肩膊內俠脊
抵腰中入循督絡腎屬膀胱上文所絡腎者卽三焦也夫三
焦者爲陽氣之父決瀆之官引導陰陽開通閉塞水道出以
氣化而言也緣太陽經多血少氣旣病則氣愈弱其時表病
而裏熱未甚微渴而恣飲水漿爲水多氣弱不能施化遂停
伏于內則本經血氣因而凝滯致有頭痛項強之患矣若伏
飲流行經絡疏利而頭痛自愈矣

病發熱

頭痛脉反沉若不瘥身痛當救裏四逆湯

論見發熱

太陽

病頭痛至七日已上自愈者以行其經盡故也若欲作再經者

針足陽明使經不傳則愈

傷寒自一日起至六日傳三陽三陰經盡至七日當愈經曰七日太陽病衰

頭痛少愈若七日不愈則太陽之邪再傳陽明針足陽明為迎而奪之使經不傳則愈吳脉浮頭痛太陽也宜刺腕骨京骨又

云表證頭疼惡寒發熱刺合谷

陽明

陽明身熱頭痛漱水不欲嚥必發衄脉數者犀角地黄湯茅花

湯見鼻衄

陽明病表裏大熱煩渴引飲頭痛如破者宜竹葉石

膏湯 陽明頭痛不惡寒反惡熱大便實調胃承氣湯 陽明

病反無汗而小便利二三日嘔而欬手足厥者必苦頭痛若不

欬不嘔手足不厥者頭不痛

內經曰巨陽受邪少陰為裏得熱則嘔從之從之則厥也太陽與少

陰為合此證當是太陽未全罷耳經又曰陽明則喘而嘔
嘔則惡人小便利者寒邪內攻肢厥頭痛者寒邪外攻也

吳陽明頭痛額前目疼鼻乾脉長也無汗者葛根加葱白白

芷汗之若有汗曾經發汗頭痛不解者宜葛根葱白湯主之
若不惡風而反惡熱自汗煩渴脉洪數飲水頭疼者白虎加
白芷湯主之若內有燥屎蒸蒸發熱頭痛者調胃承氣湯主
之凡陽明頭痛無汗者葛根麻黃葱白白芷石膏之屬也有
汗則白芷石膏葛根川芎湯也

少陽

和解

傷寒脉眩細頭痛發熱者屬少陽不可發汗汗之則譫語此屬

胃胃和則愈胃不和則煩而悸宜小柴胡湯

論見口苦

吳少陽經頭痛頭角或耳中痛脉弦數口苦發熱往來寒熱
者並用小柴胡湯和之一方加川芎尤妙蓋川芎亦膽經藥
也凡少陽頭痛不分有汗無汗皆以柴胡湯主之非恣頭痛
及發寒熱脉緊不大即是上膈有痰瓜蒂散吐之

頭痛乾嘔吐涎沫者吳茱萸湯方論見吐活人云厥陰頭痛為欲

愈小建中湯

活若已發汗或未發汗頭痛如破者用連鬚葱白湯

連鬚葱白湯方

葱白連鬚切半升

生薑貳兩

右以水二升煮取一升分二次溫服再不止者宜服後方

葛根葱白湯方

葛根 芍藥

知母各半兩

川芎

葱白

生薑各壹兩

右以水三升煎至一升熱服

若非次頭疼胸中滿及發寒熱脈緊而不大者即是膈上有涎

宜用瓜蒂末一錢煖水調下吐涎立愈

雲傷寒汗下後頭痛起目眩者宜獨活湯

防風

獨活

旋覆花

當歸各柒錢

右咬咀薑水同煎服

傷寒熱病後頭痛不止者用石膏川芎湯

石膏

川芎各壹兩

右咬咀每服五錢水煎服

海太陽頭痛有汗桂枝湯無汗麻黃湯 陽明頭痛白虎湯

少陽頭痛小柴胡湯 太陰頭痛脉浮桂枝湯脉沉理中湯俱

加川芎細辛 少陰頭痛小柴胡湯麻黃附子細辛湯 厥陰

頭痛外傷本經桂枝麻黃各半湯 嘔而微吐苦水者吳茱萸

湯

〔垣〕太陰頭痛者必有痰也少陰頭痛者足寒而氣逆也蓋太陰少陰二經雖不至頭然痰與氣逆壅於膈中則頭上氣不得暢降而為痛也

〔雲〕如脉浮而頭痛過在手足太陽刺完骨京骨如脉浮而長過在手足陽明刺合谷衝陽如脉浮而弦過在手足少陽刺陽池丘墟風府風池此刺頭痛之法也集傷寒頭痛刺合谷攢

竹

項強

發熱惡風項强者屬太陽方論見太陽病發熱太陽病項背強几几反

汗出惡風者桂枝加葛根湯主之太陽病項背強几几無汗而

惡風者葛根湯主之皆發散之劑也而有輕重不同者蓋發熱汗出惡風為表虛表虛者可解肌無汗惡風者為表實表實者可發汗是以為治不同也 太陽傷寒項背強其或太陽中風加之寒濕而成瘧者亦項強也經曰病者身熱足寒頸項強急惡風時頭熱面赤目脉赤獨頭面搖動卒口噤背反張者瘧病也金匱曰太陽病項背強几几然脉反沉遲者此為瘧桂枝加括蘘湯主之 服桂枝湯或下之仍頭項強痛翁翁發熱無汗心下滿微痛小便不利者桂枝去桂加茯苓白朮湯張或問上條所云頭項強痛此邪氣仍在表也雖經汗下而未解猶宜解散之何故去桂加茯苓白朮湯主之是無意於表也予曰此非桂枝證乃屬飲家也夫頭頸強痛既經汗下而不解心下滿而微痛小便不利此為水飲內蓄邪不在表故云去桂枝加茯苓白朮若得小便利此為水飲行腹滿咸而熱自除則頭項強痛悉愈矣且如十 東湯證頭亦痛乃邪熱內蓄而有伏飲故頭痛其飲水頭痛不

須攻表但宜逐飲
飲盡則病安矣

傷寒四日身熱惡風頭項強脇下滿手

足温而渴者小柴胡湯
若下後不能食身黃小便難者與柴

胡湯必反重
方論俱見
結胸者項強如柔痙狀下之則和大陷

胸丸
方論見
太陽與少陽併病頭項強痛或眩冒時如結胸

心下痞鞭者當刺大椎第一間肺俞肝俞不可汗汗則譫語脉

弦五六日譫語不止刺期門
成太陽之脉絡頭下項頭項強痛

脅如結胸狀心下痞鞭者少陽裏病也太陽少陽相併為病不

純在表故頭項不但強痛而或眩冒亦未全入裏故時如結胸

心下痞鞭此邪在半表半裏之間也刺大椎第一間肺俞以瀉

太陽之邪刺肝俞以瀉少陽之邪邪在表則可發汗邪在半表

半裏則不可發汗發汗亡津液損動胃氣少陽之邪因于於胃

止若木刑則發譫語用弦至五六日傳經盡邪熱去而譫語當
之氣宜柴胡桂枝括萸實柴胡加龍骨湯
太陽少陽併
病心下鞭頸項強而眩者當刺大椎肺俞慎勿下之
成心下痞
鞭而眩者

少陽也頸項強者太陽也刺大椎肺俞以瀉太陽之邪以太陽
脈下項夾脊故爾肝俞以瀉少陽之邪以膽為肝之府故爾太
陽為在表少陽為在裏即是半表半裏證前證云不可發汗汗
則謬語是發汗攻太陽之邪少陽之邪益甚于胃必發謬語此
云慎勿下之攻少陽之邪太陽之邪乘虛入裏必作結胸
經曰太陽少陽併病而反下之成結胸小柴胡加桂亦可
桂枝去桂加茯苓白朮湯方

芍藥

生薑

白茯苓

白朮

各壹兩半

甘草

壹兩

大棗

陸枚

右咬咀每服五錢水煎溫服小便利即愈

心下滿痛小便利者成結胸小便利為停飲故加苓朮以

行之

項強卒口噤背反張為瘕

方論見雜病瘕門

體痛

體痛乃六經俱有之證有表有裏有寒有熱有風有濕如太陽傷寒榮血不利身疼者宜發汗若汗後脈沉遲體痛者又宜溫之中喝身疼者白虎湯解之裏寒外熱身疼者先當救裏而後攻表寒在三陰則脈沉身疼風在三陽則支節煩疼四逆柴胡之劑可不審哉 太陽身痛但拘急耳中濕身痛不可轉側陰毒身痛體勢沉重宛如被杖以此別之

太陽發熱惡寒身體痛者屬太陽病麻黃湯大青龍湯是也方論

元太陽病 若兼心下支結者柴胡加桂枝湯 若兼下利清

穀腹脹者先以四逆溫裏後以桂枝發表 若尺脈遲者血少

榮氣不足活人先以黃芪建中湯養其血俟尺脈回却用柴胡

等湯和解之

黃芪建中湯方

黃芪

桂枝 各壹錢半

白芍藥 參錢

甘草 壹錢

右四味以水一鍾半薑五片棗二枚煎至八分去滓入稠餒

一大匙再煎服舊有微瘡或嘔者不用餒

按熱多寒少尺脉遲者榮血不足黃芪建中湯夫血不足而

用黃芪者黃芪味甘加以甘草大能生血此仲景之妙法盖

稼穡作甘甘能補胃胃為氣血之海氣血所從以生又內經

曰無陽則陰無以生以甘益胃而生血旨哉今人但知參芪

為氣藥故表而出之發汗後身體痛脉沉遲者桂枝加芍藥

生薑人參新加湯主之

桂枝

人參

各壹兩半

芍藥

生薑

各貳兩

甘草 壹兩

大棗

陸枚

右咬咀每服五錢水煎溫服

〔成〕汗後身痛邪氣未盡也脉沉遲榮血不足也經云其脉沉者榮氣微也又云遲者榮氣不足血少故也與桂枝湯以解未盡之邪加芍藥生薑人參以益不足之血

〔張〕或云經言表邪盛脉浮而緊法當身疼痛宜以汗解之况身疼皆係表邪未盡此又加人參芍藥生薑以益血何也予曰表邪盛則身疼血虛則身亦疼其脉浮緊者邪盛也其脉沉微者血虛也盛者損之則安虛者益之則愈仲景凡言發汗後以外無表證裏無熱證止餘身疼一事而已若脉稍浮盛則爲表邪未盡解今言脉沉遲此血虛而致然也故加人

參生薑芍藥以益血

今言補血益血而

病發熱頭痛脉反沉若不瘥身痛當救裏四逆湯

論見

傷寒

八九日風濕相搏身體疼煩不能自轉側不嘔不渴脉浮虛而

濇者桂枝附子湯主之

成傷寒與中風家至七八日再經之時則邪氣多在裏身必不苦疼痛今日數

多復身熱疼煩不能自轉側者風濕相搏也煩者風也身疼不

能自轉側者濕也經曰風則浮虛脉經曰脉來濇者為病寒濕

也風濕但在經也與桂枝附子湯以散表中風濕

桂枝

去麤皮

附子

參枚炮去皮破掇片

生薑

參兩切

甘草

炙貳兩

大棗

拾貳枚擘

右五味以水六升煮取二升去滓分温三服

成風在表者散以桂枝甘草之

辛甘濕在經者逐以附子之辛熱薑

辛甘行榮衛通津液以和表也

若其人大便鞭小便自利者去桂枝加白朮湯主之

成桂發汗走津液此

小便利大便鞭為津液不足去桂加朮

風濕相搏骨節煩疼掣痛不能屈伸近

之則痛劇汗出短氣小便不利惡風不欲去衣或身微腫者甘

草附子湯主之

甘草

白朮

各壹兩

桂枝

貳兩

附子

壹枚炮

右咬咀作四劑水煎溫服

活人云身腫者加防風壹兩悸氣小便不利者加白茯苓壹兩半

陽明病欲食小便反不利大便自調其人骨節疼翁翁如有熱

奄然發狂濺然汗出而解者此水不勝穀氣與汗共併脉緊則

愈 桂枝湯

太陰中風四肢煩疼陽微陰濇而長者為欲愈

少陰病身痛手足寒骨節痛脉沉者附子湯

少陰病至四五

日腹痛小便不利四肢沉重疼痛自下利者有水氣真武湯

厥陰大汗出熱不去內拘急四肢疼又下利厥逆而惡寒者四

逆湯

身體痛下利方論見下利條身體痛吐利為霍亂方論見吐利條身體痛

手足寒若脉沉但欲寐者附子湯方論見但欲寐若大汗出熱不去

內拘急自利惡寒者四逆湯方論見下利若夏月中暑脉虛而渴

者白虎加人參湯方論見中暑身痛如被杖面目青咽痛者為陰

毒升麻鼈甲去雄黃蜀椒湯方論見陰毒

垣風濕相搏一身盡痛者補中益氣湯加羌活防風升麻藁本

蒼朮治之如病去勿再服以諸風藥損人元氣而益其病故也

海神朮湯治風濕惡寒脉緊無汗白朮湯治風濕惡風脉緩

有汗

俱見傷寒發熱條

右二朮湯治風濕又當隨證加減其詳並見瘧條及白朮神

朮二湯後

杏仁湯 治風濕身體疼痛惡風微腫

桂枝 貳兩

麻黃 去節湯泡乾

芍藥

天門冬

去心各壹兩

生薑 壹兩半

杏仁 貳拾伍枚 去皮尖炒

右咬咀每服五錢水煎溫服

垣麻黃復煎湯治陰室中汗出懶語四肢困倦乏力走疰疼痛

乃下焦伏火不得伸浮而躁熱汗出一身疼痛蓋風濕相搏也

以麻黃發汗漸漸發之在經者亦宜發汗况值季春之月脉緩

而遲尤宜發之令風濕去而陽氣升困倦乃退血氣俱得生旺

也

麻黃

去節用水五盞先煎令沸去上沫粗再煎至參盞方入下藥

黃芪

各貳錢

白朮

人參

柴胡根

防風

生地黃

各伍分

羌活

黃檗

各壹錢

甘草

叁分

杏仁

叁個去皮尖

右咬咀作一服入麻黃湯煎至一盞臨卧服勿飽服

當歸拈痛湯

治濕熱為病身體疼痛

方見雜病身體痛門